

IKYĀKŪLYA KYĀMWAMBĒPO

NKABALILO KĀKE



Itika itolo, itika itolo,
Fyosa ifindu fibagile, itolo . . .

Bule, lilno iyene injila iyi:

Lilino une ngwitika, lilino une ngwitika,
Fyosa ifindu fibagile, lilino une ngwitika;
Lilino une ngwitika, lilino une ngwitika,
Fyosa ifindu fibagile, lilino une ngwitika.

Unko uswe tuyege bububo ubwimile lilino, ni mitu gyitu ginamisigwe.

Ntwa, lulingayaga ulu lwimbo lwene, loli luyege bubusoloke bulabula ubwa ndumbula syitu sikwimba panja, “Lilino une ngwitika!” Abafundigwa bāyobile akabalilo kamo, bo Yeso afumile ukubomba imbombo nying isyamaka, abene balinkuti, “Ntwa, lilino uswe tukwitika.”

Yeso átile, “Ngimba umwe lilino mukwitika?”

² Abene balinkuti, “Uswe tukwitika ukuti Ugwe umenye ifindu fyosa kangi utikulonda nu mundu nayumo ukukumanyisya Ugwe.” Polelo, Tata, ikilo iki uswe tukusyagania ukuti Ugwe utikulondigwa ukumanyisya kwitu, loli uswe tukulondigwa u Bwako. Polelo uswe tukusuma ukuti Ugwe kutumanyisyaga mumo fikuti twiputilege, mumo twitugasyilege, kangi mumo twitikilege. Tupaga ikylene, Ntwa, ukukinda mu bulumbilili ubu ikilo iki. Linga uswe tukulondigwa kalikosa, tupaga akene kwa uswe, Ntwa. Uswe tukusuma ikylene mu Ngamu ya Yeso. Ameni.

³ Une mmenye mwe bingi ba umwe mwimilile kangi ikilo iki. Kangi, panja, nagene ni fibugutila fifyo fiyobile ukuti abene batoígwe ukwingila nkati, kangi abene bikupilikisyaaga ku rediyog syabo mmagali agakukindanakindana. Kangi lilino uswe tukugelaga ukukitendeka itolo nakalinga mumo uswe tubagile ikilo iki, pa Ndungu pakilo, uswe tukupa ukwiputula ababine, ukuya nu lukindi lwa lwiputo mumo uswe tubagile ukuya nalo lumo pamwanya apa. Loli uswe tukububika ubombelo ubu ikilo iki ukuya kwiputula ababine.

⁴ Kangi une ngulonda umwe mufikege pakwiyenga lilino mu . . . ifi Ifikemo Ifyabusololi fya Kyala, mu Lwitiko ulu, u Lwitiko lwa sala iyi. U Lwitiko! Ikyene kikwegelaga u lwitiko ulwingipo ukukinda ulu lwalimo siku mu ngulilo yiliyosa, kabuno ulu lubagisenie ukuya lwitiko lwakunyakiligwa,

ukwegigwa mmwanya. Kangi polelo uswe tukulonda umwe ukwitika ikilo iki mu fyosa ifi umwe muketile, mupilike, i Lisyu ili umwe mupilike lilumbiligwe, i—i fimanyilo ni fiswigo ifi umwe mufibwene fikubombigwa. Uswe tukulonda umwe ukubungania fyosa ifyo palikimo mu ndumbula syinu, kangi ukwiongonana icyene, ukuti kali yo Kyala pamo'mma.

⁵ Kili bo Elisha ugwiyo, alinkuti, “Linga Kyala yo Kyala, polelo mbombelaga Umwene.” Kangi linga Yeso yo pakatikati pa findu fyosa kwa Nkristi, polelo une ngwinogona uswe tubagisenie ukulekesya filifyosa nukwibanilila ku Mwene. Kumbukilaga, Umwene gwe Pakatikati, Umwene gwe Ndongwa Yakululu, Umwene gwe Kumalisya, Umwene gwe Naloliloli. Kangi linga Umwene gwe Ndongwa Yakululu. . . Kilipo ikindu kimokyene iki kisakusolaga ku ndondwa yakululu, ikyo yo kampasi yako iyi ugwe kwenda panyanja nayo. Kangi i Kampasi iyi une ngubagela umwe ukwenda nayo yo Lisyu, kangi i Lisyu bwila likusosola ku Mwene.

⁶ Kangi uswe tukwipilika ukuya bo kuti uswe tukukindamo nkabalilo akakulumba aka butolwe ni ngelo, ukufubanisigwa kwa kabalilo kangi ubutolwe pakati pa fikolo, kangi uluko losa ulwa findu fikuboneka, kangi utubalilo tumo une ngufika pa kuya mmiligwe, paliposa une nguketa, icyene kili bo pa. . . mu sitima panja pa nyanja. Kangi une mbegigwe ukuya ndagili gwa Bwato. Kangi ngimba uswe tukukwakufikaga ubwene bulebule? Kangi apa ikwisa yumo ni kitili icyelu, nywamupo ka mia ukukinda i sitima yangu. Loli uswe tukubatogaga abene, aligwesa. “Uswe tuli ba kukinda baponjoli mwa Umwene.” U Ndagili, u Ndagili Nkulumba, akolelile ulugoye pa bumalikiyiso bwa sitima, Umwene isakuyikwabilaga iyene ukukilania. Uswe tukubaponjolaga aligwesa gwa abene.

⁷ Lilino, ikilo iki, polelo uswe tubagile ukuya bengo nu baleka umwe mwandanege ukusoka panja. . . Uswe tukupalisya panongwa ya bundelo bwinu ubutali, na fyosa, kangi mumo umwe mukufimbilisigwa ukukwendesya amagali, nu kwiyipa kuko umwe mukufimbilisigwa ukutendeka. Kangi, muketile, ikyo kikumbela une ukwisa papa une ngulonda itolo ukwima nu kumilisa ukuyoba itolo nukubomba kilikyosa iki une mbagile ukubatula umwe. Loli akabalilo kako une ndi apa ukubindikisya mumo kilikyosa iki une nububagisanie mbagile, ukupa ubutuli ku kabalilo kala aka uswe tulimo lilino apa. Polelo ugwe kwegwa. . . Linga ugwe kubapa abandu ifingi ukukinda akabalilo kamokene abene bakabagila ukukumbukila icyene. Ugwe—ugwe kufimbilisigwa ukwegwa itolo ikindu kimo nukukikolekesya icyene ku mundu mpaka abene bikubonaga kila. Kangi polelo akabalilo kako bikukipilikisya kila naloliloli mu ndumbula syabo, polelo abene bisa. . . polelo bamanyisya abene ikindukimo ikingi. Itolo ilikato pa likato bo uswe tukukindilila.

⁸ Lilino, ugwe iputa kangi yaga gwa bukifu bununu, kangi itika lilino ikilo iki ku bubumbulusyo. Une ndikwinogona'mma ukuti lilipo ililalusyo lililyosa mmingogono mwinu ukufwana na kabalilo aka uswe tulimo nu bumi. Une ndikwitika'mma ukuti lilipo ililalusyo mminogono ginu ukufwana nukti kala Kyala ali pakati pa bandu Bake pamo'mma. Une ngwitika umwe mwesa mukwitika ikyo. Kangi une...Kukayapo ukwilamwa nakumo mminogono gangu ukufwana ni kyene. Kangi une—une—une mbamenye abandu bangu, mwe binangu, abinake ba Kristi, abana ba—ba Kristi, bikwitika ikyo.

⁹ Kangi ikylene kikumbapo une ubwikyele ubukulumba ukufika pa kukéta, akabalilo kako ugwe kumanya ukuti ugwe uli nayo i Ndumi ukufuma kwa Kyala kangi ugwe kubapa iyene ku bandu, kangi kukéta abandu bikwamula ku Kila. Polelo ugwe kukéta kunyuma kangi kuyoba, “Ndaga Ugwe, Tata.” O, bo buhofu buki iki ikylene kikuya polelo ukukéta abana bikulya u Nkati ugu gutumigwe ku bene! Umwe mukusyagania ukuti iyo yáli mboniboni ifyinja ifi fikindilepo, papapa apa pa kitembe iki? Uko ko kutalusya, “U Nkati gwa Bumi.” Nkundwe Neville, ugwe kukumbukila iyene. Kabalilo kamaka—kamaka!

¹⁰ Lilino unko uswe tusanukile, linga umwe mukulonda ukukongesya ukubala pamo ukusimba ikylene pási, itolo... Une ndikwitika'mma ukuti ikylene kikuyaga kinunu ukuya nu bubombeli kisita kubala i Lisyu lya Kyala nukutwalapo ubuyobeli bunini, linga ubwene bukuyaga bubombeli bwa bubumbulusyo pamo uluko lulilosa. Uswe twesa tukupilikisya. Bakayapo abahesya nabamo pakati pitu, une ngusakikisya. Loli uswe twesa tukupilikisya iki ububumbulusyo buli. Ubwene bukaya'mma kindukimo iki umunduyumo ikubombela kwa ugwe; ubwene bo iki Kyala atalile ababombile kwa ugwe. Ubupoki buli pa lukindi lulalula. Ikindi kyene, kyo, ukubega abandu ukwitika ukuti ubo bo Bwanaloli. Kangi Kyala ikumanyisya ubwene mu Lisyu Lyake kangi umwene ikusisimikisya ubwene ku bene babo bisakwitikaga Ubwene, kabuno Umwene áyobile, “Ifindu fyosa fibagisenie ku bene babo bikwitika.”

¹¹ Ugwe kuyoba, “Kikayapo nakimo ikikubombigwa na Kyala.” Ngimba umwe mukwitika ikyo? Kikayapo nakimo ikisitakubombigwa na ugwe, nugwe. “Kabuno ifindu fyosa fibagisenie ku *bene*,” (Kyala yo Mundu yumoywene) “ku bene babo bikwitika.” Muketile? Polelo kikayapo nakimo ikisitakubombigwa na ugwe, kwa ugwe, linga ugwe ubagile itolo ukwitika.

¹² Lilino mwa Banyafwale Bakwanda, unto gwa 17, une ngulonda ukubala amanandi agakwandila mahano na magili, u Ntwa itikisyege.

Kangi Eliya u'Tisibi, uyu áli gwa bítugasyi ba mu Gileadi, alinkuyoba kwa Ahabu, Akabalilo kosa aka UNTWA Kyala gwa Israeli múmi, pankyeni pa yuyo une ngwimapo, patisakuyapo'mma indungwa pamo ifula ifyinja fitatu ifi, pene papo fikuti sifwane na masyu gangu.

Kangi ilisyu lya NTWA lilinkwisa kwa umwene, lilinkuti,

Sókapo ugwe ukufuma apa, kangi sanukilaga kubusokel'ilisuba, sanukilaga ugwe kubusokel'ilisuba, kangi ukífise gwimwene pa lubafu lwa kisóko Cheriti, iki kili bo ukafika Yordani.

Kangi ukwene kwisakuyaga, ukuti ugwe gwise kunwa ukufuma nkisóko; kangi une mbalagile abakihobe ukuswila ugwe kula.

Ketesya, “ukufwila ugwe kula,” komma kubuyobumo ubungi. “Kula!”

Polelo umwene alinkubuka kangi alinkubomba ukufwana nu NTWA, pamo i lisyu lwa NTWA: kabuno umwene alinkubuka nukwakwitugasya ku kisóko Cheriti, iki kili pankyeni pa Yordani.

Kangi abakihobe balinkutwalila umwene unkati ni nyama kulubunju, kangi unkati ni nyama ku namayolo; kangi umwene alinkunwa ukufuma ku kisóko.

Kangi kulinkuyako ukuti bo kakindilepo akabalilo, ukuti ikisoko kilinkuuma, kabuno yikaaliko ifula nkisu kila.

¹³ U Ntwa ongolelepo isayo Syake ku bubale bwa Lisyu Lyake. Kangi lilino, ikilo iki, une ngulonda ukwega ilisimbo ukufuma pala, iki kikoleligwa, “I Kyakula ikyamwambepo mu kabalilo Kake.” Ulubunju ulu uswe twáli ni—ni kimanyisyo pa—pa “Ukubombela Kyala u bubombeli, pamo ukugela ukumbombela Umwene ububombeli kisita kuya. . . panja ukuya kabalilo, u bukye, u buyo, pamo u mundu.” Kangi lilino iki kyo: *Ikyákùlya Kyámwambèpo Nkabalilo Kàke.*

¹⁴ Unsololi uyu, Eliya, uswe tumenye finandi fiyo ifya mwene. Loli uswe tumenye ukuti umwene áli gwambombo gwa Kyala, kangi ugwambombo gwa Kyala ku sala yila.

¹⁵ Kangi Kyala abombíle imbepo yake, iyi yáli pa Eliya, katatu kosa, kangi ikufinga kabili ukongelelapo; kahano kosa, ukwimila ilipyana. Umwene ábombíle iyene pa Elija; iyene yálisile pa Elisha nkiyabo-kibili; yáli pa Yohani u Mosi; abagile ukwisa itolo ukutwala nkati u Nsingiligwa Gwapanja; kangi ukwisa na Móse ukwega aba Yuda kukáya. Uko ko kutalusya. Kahano kosa kako Kyala afingile ukubombela imbombo imbepo ya Eliya, kangi atalile abombíle iyene katatu kosa.

¹⁶ Lilino, u nsololi unkulumba uyu, uswe tutikumanya kuko umwene ikufumilako. Uswe tumenye umwene áli n'Tishbi. Loli mumo umwene isile. . .

¹⁷ Uswe tumenye utunini fiyo utwakufwana na basololi. Uswe tutikumanya kuko abene bikufumila. Kipala fiyo. . . Bo mumo, une ngamanya isya yumoywene uyu áfumile ukufuma ku kipanga pamo bali nayo ingulilo kunyuma ku bene. Abene bali itolo banyambala baitolotolo aba báli basitalutende, kangí, utubalilo twingi, basitakumanyila. Kangi abene bakábobilemo siku ukusimba kulikosa, bene. Yesaya na Yeremiya, banandi ba abene, bábobile ukusimba kumo, loli uyu unkulumba u Eliya akásimbilemo siki ikindu kimokyene. Bingi ba abene bakasimbile; lumo abene bakábagile ukusimba. Loli abene báli banyambala aba báli bámagengelemia. Akalipo unnyambala mwi Bangeli bo basololi abaiyolo bala. Abene balinkutatikana ni fitangalala, abanyafyale, abandu, ifipanga, na kilikyosa ikingi, kangi bímaga kisitakugutigwa pa Lisyu Iya Kyala, kangi Kyala asisimikisyaga abene ukuya batalusye. Abene bali bandu bámagengelemia fiyo.

¹⁸ Kangi Eliya uyu yo áli yumo mwa bámagengelemia ukukinda bosa ba abene. Umwene ali nnyambala gwa matengele. Umwene afumile mmatengele; umwene itugasyaga mmatengele. Ili Bangeli liyobile ukuti umwene áli gwaiminywili. Umwene ali ni kipapa kya ngo'osi kiniembetigwe ukusyungutila umwene, kangí akayabo ka kipapa, ikipapa kya ngamila kiniembetigwe ukusyungutila pa bunyambala bwake, fiyo. . . indefu pamwanya pa kisyo kyake, kangí une mbagile ukwinogonela umwene áli nnyambala mboneka-gwamagengelemia, fiyo kangí ukuketa pa umwene.

¹⁹ Loli uswe tukábobile. . . abene bosa bakáfwise bosa'mma. Abene bakaya bosa—bosa bafwe'mma. M' masiku ga Lukomano Iwa Nicene, mwe bingi ba umwe bandu mwe mubalile *U Lukomano Iwa Ku Nicene Ulwa Kipanga Ikyákwanda*, akabalilo kako abene bálondaga ukupela ikibugutila ukufuma ku kyene nukupangulania ifipanga fyosa ifingi, nukwisa nkimokyene, akabalilo kako abene báli nu Lukomano Iwa ku Nicene, abanyambala abamagengelemia bo yu Elisha bikwingila mula ukufuma ku matengele, bikulya indeka syene; abanyambala abamagengelemia abakulumba. Loli abayindikigwa, abapamwanya, pási pa Constantine, na fyosa, balinkubatamisa amasyu gabo. Panongwa yakuti bala, ukuya basololi, bámenye ukuti ikilomba kya ngano iya Kipanga Nsingiligwa kyafimbilisigwaga ukugwa mu mfu, mumo ikilombe kya ngano mwa Nnyambala kyafimbilisigwaga ukugwa mu mfu. Kangi pala iyene yilinkulambalala ku fyinja elifu.

²⁰ Iyo yo nongwa abene bikusimba m'mabuku umwisyugu, "Ngimba ali kugu u Kyala ugwkimyemye yula uyu ábagile ukwima nu kukéta, ukubabona abanike abanini bikugogigwa,

kangi abakikulu bikuswanyuligwa ukuya fiponje ni ngalamu, nu kwitugasya mmwanya nu kuyobapo nakimo isyakufwana ni kyene?” Abene batikumanya i Lisyu. Ikilombe kya ngano kila kibagisenie ukugwa mu mfu. Bulebule u Kyala ungolofu ábagile ukwima nukuketa u Mwanundumiana Gwake Mwene ukufwa kangi ukufunyligwa, na fyosa? Loli ikyene kyo kikwitisania ni Lisyu, ikyene kikufimbilisigwa ukuya. Kangi iyo yo njila ikyene kiyilile kope ku sala iyi.

²¹ U nnyambala uyu, umwene áli nnyambala unkulumba. Umwene áli ni ngulilo iyabutulwanongwa kunyuma kwake. Ahabu áli mwalafyale, ugwise bo umwene akísa ali mbibi. Ukufuma kulakula kwa Solomoni, ayaga ngapo itolo u mwalafyale umbíbi ukwisa ku yungi. Kangi unnyambala uyu, Ahabu, uyu álagíle ifyinja malongo mabili na fibili mu Samaria, áli yo nnyali ukukinda bosa ba abene. Umwene áli mwigufu naloliloli. Umwene itikaga mu bwiputi, naloliloli. Kangi umwene áli nafyo filifyosa mbwitugasilo bwa bwigufu. Umwene áli nabo abasololi kake ba kiHiburi aba mia bana, bosa ba abene básukulu-kanunu kangi bamanyisigwe. Kyala alinkuntumila umwene yumo kangi umwene alinkusita kwitika ikyene, kangi yula yo Eliya.

²² Loli Eliya, u n'Tishbi uyu, áli nnyambala gwa mmatengele. Komma unnyambala untenefu; umwene áli nnyambala gwamagengelemia. Kangi ili siku limo, ukufuma papo Ahabu atulilw'inongwa mpaka Kyala alinkutoligwa ukwikola pa kyene kangi'mma, Umwene alinkuyoba kwa Eliya mmatengele. Kangi apa umwene ikusuluka pa nsebwe ukubuka ku Samaria, mumo une nnangisye akabalilo kingi; lumo indefu inyelu simelile ukusyungutila ikisyo kyake, untu gwakipala gukumwekuka n'disuba, amáso amanini agaiyolo, kunyuma kula ni ngili nkiboko kyake, ukusekelela nkisyo kyake, alinkwenda kulakula kwa mwalafyale gwa Israeli, nu kuyoba, “I . . . Yope ni ndungwa yitisa kugwa mpaka une nguyikolela ku yene.”

²³ Kyala tupapo uswe abanyambala bo bala, muketile, abamanyambala aba bamenye iki abene bikubomba na ISI SYO IKUTI UNTWA.

²⁴ Lilino, uswe tukusyagania ukuti bo akáli ukubomba iki, ukuti Kyala alinkólile umwene. Kyala átalile áyobile ku mwene kangi, polelo, umwene akáli nu lutende pa kilikyosa'mma. Umwene akátilaga indumi yake'mma, iyene yitikubonekaga; umwene ámenye iyene yikubonekaga! Umwene ámenye iyene yáli yakufwana ni Lisyu Iya Ntwa, kangi umwene ámenye umwene áli nsololi gwa Kyala ku sala yila. Polelo kali u mwalafyale ayaga pakutumula untu gwake, ukuntagila umwene mu baminyololo, kilikyosa iki abene bábagile ukubomba, ikyene kikápelile ukukindana nakumo ku mwene; umwene ali nu butumigwe, “ISI SYO IKUTI U NTWA,” palapala pala pa kisyo

kya mwalafyale. Yo mundu gwamagengelemia muki! Loli bi akáli ukubomba iki, ukuyobela-nganila ukumu ulu. . .

²⁵ Kabuno Kyala atisakwitikisya ubutulwanongwa bubukege kisita kufundigwa. Pabagile ukuyapo ulufundo. Ngimba bo bununu buki ubwa lulagilo kisita u—u lufundo? Ngimba ulwene lukubombaga fiki ikinunu, tutigi, “ikyene kikulwana nu lulagilo ukubopa pa imulimuli,” kangi sikayapo isyakuhomba kunyuma kwake, pamo ulufundo kunyuma kwake? Ulwene lukabagila ukuya lulagilo. Polelo lulipo ulufundo ku butulwanongwa. Kangi akabalilo kako Kyala ikutendeka u lulagilo, kangi u lulagilo lula—lulagilo lupikigwe, popapo pabagile ukuyapo ulufundo panongwa ya kila.

²⁶ Kangi ikisu iki kyákilenie syosa isya ndagilo Syake. O, abene báli ni fipanga ifinywamu, abene báli ni tempeli. Abene báli na bingi abanyambala abamanyi. Abene báli na basololi nkisu kyosa, báli na masukulu ga bene, ukusyumbutusyila abene panja bo makina. Kangi abene báli nabo ba bingi abasololi, abene báli ba bingi aba—aba abaputi, abene báli nabo bingi abasimbi, kangi abene báli nabo bwingi u bwiputi, loli abene báli kubutali ni Lisyu Iya Kyala. Polelo Kyala alinkukolela u nnyambala panja pa bulibosa bwa bwinake bwabo bosa, nu kuntuma umwene mu uyu ISI SYO IKUTI U NTWA.

²⁷ Kangi ketesya mumo Umwene ikupakikisya a Bake Bene. Bo Umwene akáli ukuntuma unsololi uyu ni ndumi, Umwene alinkuyoba, “Eliya, suluka kula kangi kambule Mwalafyale Ahabu ifindu ifi. Kangi lilino, akabalilo kako ugwe kubomba, isósyako gwimwene ukufuma ku mwene nakalinga itolo, kabuno Une ndendike u buyo bwako ukuti ugwe ubukeko akabalilo ka lumu. Une ngukupakikisyaga ugwe, Eliya, linga itolo ugwe kulumbilila i Lisyu Lyangu, kubomba itolo iki Une ngukubula ugwe ukubomba.”

²⁸ Lilino une ngwegelelaga u luko lwa butumigwe ubukulumba ubu, ikilo iki, ubwa Eliya na kabalilo ka Eliya, na kabalili kako uswe tulimo nu bumi lilino. Une ngwitika ikyene kyo kyakwegelela ikipelesye. Une ngwinogona isya fisu. . .linga une. . .uswe twáli na kabalilo akakugomokela, loli une ngulonda ukubika akabalilo kingi mu lukindi lwa lwipúto.

²⁹ Polelo linga uswe tubagile ukugomokela nukuketa, Israeli ályegile u Palestine pa lwalo ulu uswe twáleyegile u United States uyu. Uswe twisile muno mu United States uyu nu kubagutila kunyuma aba balimo, abo bo baMwenye, kangi nukukaba ikisu iki. Kangi polelo yope Israeli isile mu Palastine, pási pa bulagili bwa Yoshua, pási pa Kyala, nukubakagila kunyuma aba bálimo nu kwega i kisu.

³⁰ Kangi a banyafyale abákwanda báli bandu ba maka: Davidi, Solomoni, nabanyambala abakulumba. Aba presidenti bitu abakwanda báli banyambala abakulumba: Wshington,

Lincoln na bangi. Polelo kubumalikisyo aba presidenti pamo abanyafyale bikwisa ukuya bakukindilila ukubola akabalilo kalikosa, kangi kubumalikisyo abene balinkwaga bali na Ahabu. Ikyakwelela kilakila, ikyakwegelela ikya lisiku ilyitu. Kangi abandu balinkwisa ukuya bigufu fiyo abene bakalondaga ukupilika i Lisyu lyabwanaloli ilya Ntwa.

³¹ Kangi ugwe ubagile ukwinogonela, pa bandu aba mwisyugu bo ulo, iki ugwambombo ugwabwanaloli gwa Kyala abagile ukupilikigwa ku bene. “Fiki, umwene ali nsyut’untu, umwene ali panja pa minogono gake. Kikabagile ukuyako ikindu bo kila.” Abene bali biputiputi, biputiputi fiyo. Abene bali nabo abanyambala bakwiyipa, abene bali nabo abandu bakwiyipa. Abene bali biputiputi fiyo.

³² Polelo umwene amenye ukuti ikylene kyabagile ukwega ikyakukinda itolo ububalakyala ubwapaliposa, ikylene kyabagile ukwega ikingipo ukukinda—ukukinda indumi yiliyosa ya paliposa, ikylene kyabagile ukwega ikingipo ukukinda itolo ukulumbilila i Lisyu, ukulendula indumbula syabo isyamabwe. Umwene amenye ikylene kwegaga ISI SYO UKUTI U NTWA ukutuma ubulongi bula pasi ukwisa pa bandu. Polelo umwene amenye ukuti akabalilo kako umwene abukile na ISI SYO IKUTI U NTWA (Kangi ikylene ali ISI SYO IKUTI U NTWA.), ukupika Kila, bwali bulongi. Uswe tukuketa ikyo mu li siku ili, nuswe. Uswe tukuketa ikyo mu li siku lililyosa. Kikayapo nakimo kisyele loli bu bulongi akabalilo kako ugwe kukanya ukukilania ulukindi lwa kisa.

³³ Lilino, ikyakwegelela kila pala, ukuti, une ngumwegelelaga u Eliya ni kipanga umwisyugu, ikipanga kya mwisyugu. Bo bukali ukwisa u bulongi, umwene alinkwambilila indumi iyi. Eliya, umwene imililaga, ukuya apakikisigwaga nkipeligwa, ikyakulya kyake ikyakipeligwa, panongwa yakuti ukwene kwayaga ukuya kusita fula lilino, ukufwana ni Lisyu lya Kyala, ku fyinja fitatu ni miyesi mihano na gumo, pamo mpaka Eliya ayikolelege iyene. “Akabalilo kalikosa ugwe kuyoba, Eliya, ako ko iki akene kisakuyaga.” Polelo umwene alinkwenda ukusegelela ku mwalafyale, nu kuyoba, “Patisakuya ni ndungwa yikugwa mpaka une njikolelege iyene.” Ugo go gulipo u—u nsigo, bule? Iyo yo ndumi inywamu!

³⁴ Kangi lilino uswe twisakwegelela ikyo nu lumo lwamwambepo umwisyugu. Lilino, uswe twesa tumenye, uswe tumenye fiyo, ukuti lulipo u lumo lwamwambepo nkisu umwisyugu, ukuyobela mwambepo. Kangi, umwe mumenye, ikyo kyayobeligwe-nganila na basololi, itolo bo kukisa u Kwisa Kwakibili kwa Kristi kukuya ngako? Alinkuti, “Yisa kwisaga injala nkisu, kangi iyene yitisakuya ya nkati gwene’mma, loli gwa kupilika i Lisyu lya Kyala.” Kangi ili siku lila lya lilino, “ukupilika i Lisyu lya Kyala lyabwanaloli.” Lilino, iki kikwegelela u lumo ulwakipeligwa nu lwamwambepo.

³⁵ Ubutulwanongwa nu busitakwitika, ukwisila mwa bamanyisi ababusyobi kangi ababwigufu nkipanga, fyátwele ubuyo ubu ku kwisa uku, u bulongi ubu bwisaga. Polelo abene basanwike ukufuma ku Lisyu Iya Kyala nu nsololi Gwake, ukubuka ku masyu-mwanyamu ga Lisyu agábwigufu agabubalakyala.

³⁶ Linga umwe mukuketesya apa, akene ko itolo kabalilo aka Kyala bwila ikufyusya akandukamo. Nongwa yakuti, Umwene, bwila, Umwene atikubomba nikindukimo mpaka Umwene ikyakwanda ikusetula ikyene ku bandu, kangi Umwene bwila ikusetula ikyene ukwisila mu bámbombo Bake.

³⁷ Lilino, loli Eliya, nkabalilo aka, áli nu buyo ubwifise ubu Kyala álitendekesyile umwene ukubukako. Ikyo kyo kindu iki uswe tukulonda ukuketa lilino bo tukali ukuya nalo ulukindi lwa lwiputo. Eliya áli nu buyo ubwakwifisa bupegigwa na Kyala Mwene. Lilino, ikipanga kikalimpelemo siku ubwene ku mwene, u mwalafyale akálimpelemo siku ubwene ku mwene, umwene akálopele mwene'mma, loli Kyala álimpele u buyo ubwakwifisa kwa Eliya ukuswiligwa akabalilo kosa akabalilo ka lumu, kuko ikyakulya kyake kyápegigwe isiku ukwisa pisiku. Umwene akálondigwagwa ukuswiga iki kukubombigwaga kilabo pamo ukuswiga linga untwalo gumalike. Kyala átile, "Une mbalagile aba kihobe kangi abene bisakukuswilaga ugwe." Kyo kindu kyakunosya, ikyakwegelela kya buyo ubwifise mwa Kristi.

³⁸ Akabalilo kako ulukomano lwa kisu kyosa na fyosa ifi fikubombigwa umwisyugu, ifi fikuti, "A masiku ga fiswigisyo gakindile." A maka amakulumba aga Kyala gasósigwemo ukufuma mfipanga. Abene bikuboneka bo, kangi'mma, abene bakaya nako nakamo loli itolo "unkugwa gwanjwego kangi ilikalayi ilikubigwe." Uswe tumenye ikyo ukuya bwanaloli. "Kangi nububonekela bwa bunyakyala, loli ukukana a Maka aga galimo."

³⁹ Ikyene kyo itolo kifwene na iki Davidi ábombile, ulubunju ulu, ni gileta iya ngambáko, ásokilepo ukufuma pa Lisyu. Akabalilo kako i Lisyu lyátwaligwe nukupegigwa ku bene, abene bakalilondile Ilyene; polelo, abene básokileko ukufuma ku Lyene.

⁴⁰ Ikyo kyo iki abandu aba bábombile mmasiku ga Eliya, ukusókako ukufuma ku Lisyu. Abene binogonaga ukuti abene báli ni Lisyu, loli abene bakáli ni Lyene.

⁴¹ Polelo ketesya, pala, mu. . . nkabalilo kala ukuti Umwene ayaga pakufunda unsitakwitika, Umwene ápelile injila ku mwitiki. Ikindu kilakila iki Umwene ikubomba akabalilo kalikosa. Mmasiku gago Umwene ayaga pakonanga ikisu na misi, Umwene ápelile injila yakubopela kwa Noa. Mmasiku aga Umwene ayaga pakubuka ku Igupti, Umwene ápelile injila iyakubopelamo ukukilania i nyanja ku bandu Bake. Mumo Kyala

ikupelela injila Yake! Kangi kuko yikayako injila, Umwene ikuya Njila. Umwene yi Njila yila!

⁴² Lilino uswe tukusyagania ukuti uswe tukwagana na simo mwa...simo mwa sala ingulumba ukukinda syosa isi musyambukulu mukamanyamo'mma siku. Ikyene kikaya katikati ntu-gwabwite ni misailo imwekuke immulike'mma, nu ntu pakylene, iki uswe tubagisenie ukuya nu lutende nakyo'mma. Ifyene fyo fipanga ifi uswe tubagisenie ukuya ba lutende nafyo. Iyene yo sala iyi uswe tulimo nu bumi iyi uswe tubagisenie ukuketesya.

⁴³ Lilino ketesya, loli Kyala ápelili injila kwa Eliya iyakubopela ulwene. Kangi Umwene apelile injila ku bana abitiki Bake ukubopelapo ikylene lilino, ubugasi ni findu ifi fikwisaga.

⁴⁴ Panongwa yakuti, Kyala akáli gwakuti itolo abalonge abandu bala nukubatumila abene ulufundo, nukuyubika Sodomu na Gomora, nukuyubika Kapernaum pakatikati pa nyanja, nukukemela ingulilo yila, na Sodomu na Gomora, kangi polelo ukutwitikisya uswe tubombege ikindu kilakila nukulekigwa itolo. Uswe tuli itolo bálnaloliloli ku bulongi mumo abene báli banaloliloli ku bulongi. Lilino uswe tukuketesya ukuti...

⁴⁵ Akabalilo kako ifindu ifi fikwisa, ububonekelo bwa bwigufu ubwa lisiku lila, Kyala asumwisye mmwanya u nnyambala mu lisiku lila, pamo asumwisya u nnyambala, ukulwana na maka ga bugúte, kangi abene balinkusita kupilika ku kyene. Abene balinkwinogona ukuti umwene ásyutíl'untu, umwene átagile aminogono gake, umwene áli itolo umumilisi ugwaiyolo, untoyofu umfumila ku matengele, mu luko lumo asyutisigwenamatengele. Loli, palema, umwene áli ni Lisyu Iya Ntwa.

⁴⁶ "Ilisyu litikulonda ukusanusya iki Ilyene likuyoba," abene bikuyoba umwisyugu. "O, mulimosa, i Libangeli yo buku gwa syambukulu." Une ngusakikisya umwe muketilemo iki, ukuti lilino abene bikwiyoabela, ukuti, "Eva akálili i apulo'mma, umwene álile i. . ." Ngimba ikylene kyo fiki? Une ngusubila. . . "Ikyene kyáli i aprikoti," abene bikuyoba lilino. "Ikyene kyáli i aprikoti." Kangi polelo, ukuti, "Móse akábatwelema a bana ukukinda Inyanja Ingeseфу. Ikyene kyáli kilundiko kya ndete, kula kubumalikisyo ubungi ubwa nyanja, kangi umwene ábukile ukukinda inyanja ya ndete." Polelo ngimba a misi, a-m-i-s-i, galibungenie ku mbafu syosa ibili, abene balinkukinda nkweni pa kisu ikyumu, pala? O, ubutoyofu buki! Loli, umwe muketile, ikylene kikwegela uluko lula ulwa lisiku ukutwala ubugasi bwa Kyala pási pamwanya pa bandu. Ikyene kubomba ikylene.

⁴⁷ Abene bikuyoba kikayapo ni kindu kimo bo—bo ifi. . .Bope a bandu ba kipanga batikwitika mfwisigo. "Une ngwisakukupa ugwe ama dola elifu," abene báyobile, "nnangisya une ikiswigo. Nnangisya une ikiswigo!" Ena, abene balinkusitaka kukibona

ikyene linga fyálipo ifindu maelifu kalongo fyabombigwe pankyeni pabo. Fiki, abene, abene bákabagilémo siku ukukibona ikyene.

Ugwe kuyoba, “Ikyo kyo kikabagila ukubombigwa.” O, umma, ikyene kikaya’mma.

⁴⁸ Eliya akabalilo kamo áli kula ku Dothan, kangi ababwite ba kiSyria bálisile kula nukusyungutila akaya kala, ukummwega umwene, panongwa yakuti abene bámenye ukuti kula ko kuko a—a maka ga kisu galambalele, gáli mwa nketi. Fiki, u mwalafyale. . . Yumo mwa banyambala alimbulile u mwalafyale gwa Syria, alinkuti, “Fiki, ugwe umenye, Eliya unsololi, u n’Tisbi, ikumbula u mwalafyala gwa Israeli iki ugwe kuyobapo nkipinda kyako ikyasofu.”

⁴⁹ Alinkuti, “Buka ukamwege u mundu yula! Yula yo mwinitu uyu ikutupingapinga uswe.” Kangi ababwite bosa balinkwisila kimyemye ukusyungutila Dothan. Abene báli mosa ukusyungutila akene.

⁵⁰ Kangi Gehaze, u—u gwambombo gwa nsololi, alinkusumuka ntulo, kangi alinkuti, “O gwe tata gwangu, ababwite batusyungutile uswe apa. Uswe tusyungutiligwe kubumalikisyo.”

⁵¹ Umwene alinkuyoba, “Fiki, balipo bingipo aba bali nanuswe ukukinda aba balipo na bene.” Muketile?

Kangi Gehazi alinkukelengania, alinkuti, “Une ndinkumbona nayumo.”

⁵² Umwene alinkuti, “Ntwa Kyala, igula amaso gosa mabili aga ndumiana yula.” Kangi amaso gake galinkwiguka, kangi ifyamba fyosa fyaliswile na Bandumi na magileta gikéle ukusyungutila, a Maka amasitakuboneka.

⁵³ Eliya alyendile palapala panja pala, kangi ili Bangeli lyátile, “Umwene ábatikile abene bafwamaso.” Umwene alyendile panja ukubuka ku bene; abene báli bafwamaso ku mwene. Alinkwenda panja kangi alinkuti, “Ngimba umwe mukundonda Eliya?”

Umwene alinkuti, “Ena, uswe tukundonda umwene.”

⁵⁴ Alinkuti, “Isaga kuno, ngubabulaga umwe kulakula kuko umwene aliko,” kangi alinkubalongolela ku bukamandigwe, kulakula ukutalula kuko ababwite bályendile panja nukubakola abene.

⁵⁵ Lilino, ili Bangeli lyátile, “Umwene ábatikile abene bafwamaso.” Ikyo kyo kimasya ikyene. Kangi abandu bafwilemaso fiyo mwambepo umwisyugu, palema nalinga u Ntwa Kyala ikusuluka pasi pakatikati pa bandu nu kubomba kalikosa, kangi ifindu ifi Umwene áfingile, abene pópo bikutoligwa ukuketa Ikyene. Abene bafwamaso mwambepo; bakamannya Kyala, bakagamanya a Maka Gake amakulumba. Lilino, uswe tukuketesya ukuti abene bábombile ikyo mmasiku

ga Eliya, kangu abene bakáli bikubomba ikyene umwisyugu. Kyala ikubatika abene bafwamaso. Abene bikuyoba umwisyugu, ukuti, “Fikayako ifiswigo, kikayako ikindu kya luko ulu, fyosa ifi fyó kulalamuka.”

⁵⁶ Kangu abene báyobile ikindu kilakila ukufwana nu Eliya, panongwa yakuti umwene ányakiligwe kangu Elisha áyegile ubuyo bwake, undumiana untubwa, áli gwakipala, ntubwa, abanike balinkubopa kunyuma ku myake, kangu balinkuti, “Nkangale gwakipala, fiki ugwe ukubábukile mmwanya na Eliya?” Muketile, abene abene bakitikaga nukwitika'mma Ikyene kukubwandilo, abandu, ukufuma papo ifindu fingi ifi fyábombigwe. Kangu unnyambala unkulumba uyu ugwa Kyala asosigwepo ukubuka Kumwanya ni gileta lya moto, kangu abandu pópe balinkusita kwitika Ikyene. Kangu báli nabo abana babo bikubopa kunyuma ya nnyambal uyu nukuyoba, “Nkangale gwakipala, ngimba ugwe fiki ukuabuka mmwanya?” Muketile? Kangu palapala u nsololi alinkubaguna abanike, kangu ikindingo ikikikulu kilinkugoga malongo-na-babili aba abene.

⁵⁷ Lilino ketesya. Umwisyugu, mumo ikyene kyayilile akabalilo kala, abene babikile ubulinganio bwabo bene ku Lisyu. Lilino, linga abene bikulonda ukubomba ikyp, ikyo kili ku myabo, loli abene bikugela ukututendeka uswe ukikyitika ikyene. Ili Bangeli lyáyobile ukuti, “I Lisyu lya Kyala ili likaya lya busanusyi bwa pagwimwene.” Kyala ikulomba ubusanusye Bwake Mwene. Kyala ikusisimikisya i Lisyu Lyake, kangu uko ko kusanusya kwa Ilyene. Akabalilo kako une utubalilo twingi njobile, Umwene áyobile ku bwandilo, “Unko kuyeko ubwelu,” kangu ukwene kwaliko ubwelu. Ikyo kitikulondigwa ukusanusya; ikyene kyábonike. Umwene átile, “Umfunde isa kuya ni kifuba,” umwene ámelil'ulwanda. Umwene alinkuyoba ukuti Umwene isa “kónelela panja u Mbepo Mwikemo,” Umwene ábombile. Kangu Umwene áyobile, “mmasiku aga bumalikisyo,” ifindu ifi Umwene atigi abombe, kangu Umwene ikubomba ikyene! Ikyene kitikulondigwa ubulinganie bulibosa; Kyala ikubomba ubulinganie Bwake Mwene. Kali kyo kililku iki unnyambala ikuyoba, ikyo kitikumwika Kyala napanandi.

⁵⁸ Akabalilo kako Yeso áli pa kisu, Umwene ali nu busitakwitika ukulwana nabo ubwakufwana na ubu uswe tuli nabo umwisyugu, kangu lumo bwingipo. Loli ikyene kikalimmwike Umwene; Umwene alinkukindilila nkyeni itolo ukubomba nu kutendeka akabombo Kake, kangu Kyala ásisimikisyaga kilikyosa iki Umwene ábombile. Umwene átile, “Une ngapa pa Nimwene. U Tata Gwangu na Une tuli yumoywene; Umwene ikwitugasya mwa Une. Ikyene kikaya yo Une uyu ikubomba imbombo isi, ikyene yo Tata uyu ikwitugasya mwa Une. Kangu linga Une ndikubomba imbombo Syake'mma, polelo komma ukunytika Une; loli linga Une ngubomba imbombo kangu loli umwe mukutoligwa

ukwitika mwa Une, itikaga imbombo.” Muketile? Mmasyu agangi, abene. . . “Londesya Mmasimbo,” Umwene alinkuti, “kabuno mula mo mumo umwe mukwinogona muli nabo u Bumi Bwasyepwa, ko kumanya a Masimbo. Kangi a Masimbo, Lyene, likuyoba isya Une.” Ameni! Bo buyobelo buki! “Agene go gene, a Masimbo, aga gikubabula umwe Uyu Une ndi,” Yeso ayobile.

⁵⁹ Kangi agene go Masimbo aga gikubabula umwene i sala iyi uswe tulimo nu bumi. Kangi ifindu ifi umwe mukukéta fikubombigwa, ikyene yo Kyala Mwene pakati pa bandu Bake. Nakimo kibagile ukusyusya abafwe mwene Kyala. Nakimo kibagile ukubomba ifindu ifi Umwene ikubomba lilino mwene Umwene ikubombaga. Panongwa yakuti ili Bangeli likuti, “Umwene yo yulayula mmayolo, umwisyugu, na bwila.”

⁶⁰ Lilino uswe tukukéta ukuti ubwendelo bwa bwigufu ubwa bandu, polelo, “O, amasiku gakindile, kikayapo ni kindu kimo bo fiswigo. Abandu bosa bayiganisigwe itolo nukulalamuka.”

⁶¹ Pilikisya kwa Eliya yula, u nsololi, ikukúta panja ukulwana na bene na babalakyala bábo. Kétesya, kétesya, umwene áyobile ukuya bo fikuti umwene áli yo Kyala Mwene. Eliya áyobile ukuya fikuti áli Kyala Mwene, “Indungwa yitisakugwa ukufuma Kumwanya mpaka une njikolelege iyene.” Ameni! Ena, nkulumba.

⁶² Unsololi áli m’Kuyapo kwa Kyala pakabalilo katali, abasololi ba Ndwitikano Ulukulu, pamo akabalilo kalikosa, akabalilo kako abene bikwitugasya mu Kuyapo kwa Kyala mpaka abene bisaga ukuya Lisyu, i Ndumi yabo yo Lisyu Lyene. Kangi, kumbukaga, umwene áyobile, “ISI SYO IKUTI UNTWA.” Kangi akabalilo kako abanyambala bala bali ni ndumi sila ukufuma kwa Kyala, kangi abene balisile ukuya baniembeteligwe fiyo mpaka nu bwinogonelo bwabo bwene. . . Ubwene lumo lwálwanaga na minogonelo gabo, abene lumo bakábagile uku—uku kéta ikyene kanunu. Loli abene balinkuyobela i Lisyu lya Kyala, “ISI SYO IKUTI UNTWA.”

⁶³ “Yitikuyako i fula yiliyosa mpaka une njikolelege iyene.” O, bo buyobelo buki! Umwene áli mu Kuyapo kwa Kyala kangi ásisimikisigwe mbupelelesye fiyo. Kangi, kumbukilaga, kango kyope kikukonga Amosi 3:7, “U Ntwa Kyala atisakubomba nakandu nakamo mpaka ikyakwanda Umwene ikusetula ikyene ku bambombo Bake abasololi.” Alinkuti, “Yitisakuyako i fula yiliyosa ukugwa!” Umwene ukwanda. . .

⁶⁴ Abene bálnsekile umwene, abene binogonaga ukuti umwene asyutil’untu, “Yula umumilisi!” Loli, muketile, umwene ali nu ISI SYO IKUTI U NTWA isyene sibagile ukuyako. Kangi, Kyala, bo akáli umwene akabomba ikyo, Umwene ásetwile ikyene kwa Eliya ugwambombo Gwake. Kangi umwene áli nsololi umbonesigwe, unsisimikisigwe, polelo abandu angali

bapindwike. Loli, mbuyo mwa ikyo, abene bálínsekile umwene, balinkuti, “O, uswe tuli nayo i fula yi nyinginyingi! Indamba sya misi siswile. Ifisoko fikwenda kanunu itolo.”

⁶⁵ Ili Bangeli lyáyobile, “Yikalipo ni ndungwa yópe ku fjinja fitatu ni myesi mihano na gumo.” Utusoko tosa na misi filinkúma, kulikosa. Ikya akali u nnyambala yula, yula áli Kyala ikuyoba ukwisila mu nnyambala yula. Yula áli yo “Une” ikylene kyáli. Uswe bwila yukamanya. Polelo umwene . . .

⁶⁶ Uswe tukusyagania ukuti akabalilo kako u mundu ikwisa, atumigwe ukufuma kwa Kyala, apaguligwe na Kyala, na ISI SYO IKUTI U NTWA ugwabwanaloli, i ndumi nu ntumigwa fili kimokyene kangí fifwene. Panongwa yakuti umwene atumigwe ukwimilia ISI SYO IKUTI U NTWA, Lisyu pa Lisyu, polelo umwene ni ndumi yake fifwene.

⁶⁷ U nnyambala gwakipangakipaguke nu butuli bwafipangafipaguke, umwene ni kipanga yo “yumoywene.” Umbalakyala pasi pa bubalakyala, apeligwe ni kipangakipaguke kimo, umwene ni ndumi yake bali kimokwene; ikipanga kya bubalakyala, umbalakyala. Ikyene kitalusyi.

⁶⁸ Polelo akabalilo kako unnyambala ikwisa na ISI SYO IKUTI U NTWA, umwene ni Ndumi bali kimokwene. Kangi akabalilo kako Eliya isile na ISI SYO IKUTI UNTWA, umwene ni Ndumi yake balinkuya kimokyene. Itolo mumo Yeso, akabalilo kako Umwene isaga, Umwene áli Lisyu, Yohani Mwikemo 1. Polelo i Lisyu lya Kyala nu ntumigwa gwa ngulilo kyala kindu kimokyene ikifwane, akabalili kosa. Uko ko kotalusya.

⁶⁹ Yeso áli Lisyu ili lyásololigwe. Umwene áli yo iki abasololi báyobile ukuti kisakubonekaga, “Umfunde isakuyaga ni kifuba nu kupapa u Mwana uyu.” Kubutali kula kubwandilo, Kyala ababulile abene, átile, “Imbeyu ya nkikulu yisakufulasya untu gwa liyoka, kangu umwene isakufulasya ikitende kyake.” Bosa ubusololi ubu bwapegigwe. Davidi ikukúta, bosa abangi abasololi ukwisila mu ngulilo, bikuyoba isya Umwene. Umwene áli Lisyu lila lubonike! Aleluya!

⁷⁰ Lilino ngimba umwe mukukéta kuko une ngugela ukubatwala umwe? Une njobile kwa umwe pabwelu kanunu ulubunju ulu. Ngimba umwe mutikukéta u bulagili bwa Kyala gwabumi n’Kipanga ikyabumi, u Nsingiligwa? Ababine bikubumbulusigwa, abafwe bikusyusigwa, abalemale bikwenda, abafwamaso bikuketa, Inongwainunu yikubuka panja mmaka Gake, kabuno i Ndumi nu ntumigwa fili kimokyene. I Lisyu lili mu Kipanga, mkati mwa mundu.

⁷¹ I Lisyu lya Kyala lyáli mwa Eliya akabalilo kako umwene endaga pala na ISI SYO IKUTI U NTWA, kangí alinkuti, “Ukwene kutisakutima ifula.” Yula akáli Eliya; yula áli Kyala mwa Eliya.

⁷² Une náyobile utubalilo twingi, bo yu nkikulu gwa Christian Science uyu alimbulile une akabalilo kamo. Une njobilepo ikyene utubalilo twingi ukufwana na kene. Umwene átile, “Tata. Branham, ugwe kubika ulwitufyo lwingi ukukinda pa Yeso.”

Une ndinkuti, “Une ngusubila ikyo kyo kindu kyene iki une ngufimbilisigwa ukwamulila.”

Kangi umwene alinkuti, “Ugwe kugela ukutendeka Umwene Nyakyala.”

Une ndikuti, “Umwene áli Nyakyala.”

⁷³ Alinkuti, “O, Umwene áli nsololi yumo, Umwene ali nnyambala unnunu, loli Umwene akáli Nyakyala.”

⁷⁴ Kangi une ndinkuti, “Ena, nnangisya une i Lisimbo limo ili likuti Umwene akáli.”

⁷⁵ Umwene alinkuti, “Mwa Buku gwa Mwikemo Yohani, ilyene likuyoba ukuti Umwene ‘ákútile’ akabalilo kako Umwene abukaga ku lipumba lya Lazaro.”

⁷⁶ “Ena,” une ndinkuti, “naloliloli, Umwene ákútile. Umwene áli fyosa mundu kangi Nyakyala. Umwene áli mundu, ikukúta; loli Umwene abagisenie ukuya Kyala ukusyusya abafwe.” Kutalusya. Une ndinkuti, “Umwene áli mundu, ali ni njala; loli Umwene áli Kyala ikulyesya a baelifu bahano, ni fisyesye fibili niswe ihano.” Uko ko kutalusya. “Umwene áli mundu, agonile utolo ku nyuma kwa bwato; loli ikyene áli Kyala mwa Umwene uyu abagíle ukukibisya amisi.” Kabuno fiki? Umwene ni Indumi Yake fyali kimokyene.

⁷⁷ Umwene alinkuti, “Une na Tata Gwangu tuli yumoywene. Tata Gwangu ikwitugasya mwa Une.” Umwene áli yo bwisusye bwa Bwakyala mu mbili.

⁷⁸ Une ngwinogona ikyene kyali kyakundika ilisiku ilingi, akabalilo kako une ngutwala *I Ngulilo Sya Fipanga Fihano Na Fibili*. Ukwanda itolo, une—une ndinkutoligwa ukupilikisya Yeso imile pala na bala. . . na kila ikyelu pamwanya pa Mwene bo lula, lilinkuti, “Inywili syake syáli nyelu bo masapa.” Une ndinkutoligwa ukupilikisya mumo u nnyambala gwa fyinja malongo matatu na fitatu mbukusi abagíle ukuya mwelu bo matalala.

⁷⁹ Une nalinkolile umbalakyala unnunu, umbalakyala gwa kiPentekosti, u mwinangu unnunu umpala. Ena, umwene áli Nkundwe Jack Moore. Umwene yo nnyambala nkomu, gwamahala. Umwene alinkuti, “Nkundwe Branham, yula áli Yeso ndumwikigwe. Mula mo mumo Umwene ábonekelaga ukufuma pápo Umwene imikigwege.” Umma, une ndinkutoligwa ukwitika kila. Umma.

Une—une ndinkuti, “Ena, Nkundwe Moore, une mpalisya.”

⁸⁰ Une ndinkwingila nkipinda mula kangi ndikwanda ukuyoba na Kyala. Une ndinkwigula i buku lya konkodansi ukummwega Umwene ukugomokela kwa Danieli, kuko ilyene lyátile, “Kangi umwene álisile ku Gwaiyolo gwa Masiku uyu inywili Syake syáli nyelu bo masapa.” Une ndinkuti, “Ntwa, une—une—une ngamanya isyakubomba, kangi une ndinako ukwamula.” Lilino, pala páli bo yikisa ingu- . . .kangi kumbukilaga, bo Ifimyatiko Fihano Na Fibili fikisa ukwiguligwa, ukufwana ikyinja pamo ukongelelapo, bo fikáli. Une niputaga mula, “Ntwa, ngimba ikylene kyáli fiki?”

⁸¹ Kangi une ndinkukéta, imile pankyeni pa une, kangi pala álimile u nnyambala kangi umwene áli yo ndongi, kangi umwene áli ni ngiga inyelu pantu. Abalongi abaiyolo aba masiku gaiyolo báfwalaga ingiga inyelu ukunangisya ukuti umwene áli yo bulagile ubwapamwanya.

⁸² Kangi polelo akabalilo kako une numbwene Yeso na ngiga inyelu, une ndinkuyoba ikylene kikubikila ubuketi ubwanaloli ubu uswe tubumenye, ukuti Umwene yo Bulagili Gapamwanya. Kyala abikíle ubuketi ikindu kilakila pa Kyamba Busanuke, alinkuti, “Uyu yo Mwanundumiana Gwangu unganigwa, mpilikaga Umwene, u Bulagili Gapamwanya!”

⁸³ Polelo kunyuma panja kula ku bwandilo bwa Fimyatiko Fihano Na Fibili, akabalilo kako a Bandumi bahano na babili básulukege pási mbubumbe bwa piramidi, bálímile pala nukumbula une ukugomokela kuno nukuyoba pa Fimyatiko Fihano Na Fibili fila, kangi Umwene ayaga pakuya nanine, Umwene ayaga pakumbonesya une ifi ifyene fyáli, ifindu ifitagigwe. Une bwila nálinogwine ukuti ikylene kyamatiligwe ku nyuma kwa Buku kangi ikylene kyayaga kindukimo kikasimbigwe mkati mwa Buku, loli ikylene kilinkusanuka ukuti ikylene kyamanyisigwe ukuti Umwene akabagila ukubomba ikyo. Ikyene kikaya kindukimo iki kisimbigwe mwa Buku. . . Ikyene kyo kindukimo iki kifisigwe mwa Buku. “Kabuno akigwesa uyu isakwegaga i Lisyu limolyene ukufuma mwa Ilyene pamo ukongelelapo i lisyu limolyene ku Lyene. . .” Polelo ikylene kyo kifisigwe iki kyáli mwa Buku mu ngulilo sya kipanga ihano na sibili. Yiliyoso ya isyene syapelile i-i kifisigwe, fyosa ukufwana nu losyo lwa mmisi ni findu ifinine ifi fifyo abene bafulugenie akabalilo katali.

⁸⁴ Polelo akabalilo kako kila kyafyúkile mmwanya, ikyakuketéla ikinywamu ukufuma kubusuluke ku California, ukusulukila kula ku Mexico, ukwisila ku Tucson, kulikosa, bikwega ifipicha fya Ikyene. Ubwene buketigwe bwakwifisa. Nkundwe Fred Sothmann pala, itugesye palapala kunyuma kula, kangi une nu Nkundwe Gene Norman, bimile palapala pala balipo akabalilo kako Ikyene kyafyukaga mmwanya. Abene bákómile i picha, nalino abene batikumanya kiliku ikya iyene. Apa akabalilo kamo aka kakindilepo, aligwesa ikuyoba, “Kéta

kuno. Iki kikuboneka bo *iki*, kangi amapiko ga Bandumi bala, mumo agene gapindene mula.”

⁸⁵ Ili siku limo, ukusanukila ku kililo, ukukéta, pala álipo Yeso Kristi itolo mumo mpelelesye mumo Hofman alinsingulilemo siku Umwene. Ikyene kyálimile pala ni ngiga inyélú, ikukéta kunyuma pási pa kisu, ukunángisya ukuti Umwene yo Bulagile Bwapamwaya. Kumwanya kukusasania ikyene, ili Bangeli likusasania ikyene, i Ndumi yikusasania ikyene, fyosa kilakila. Bulagili Bwapamwanya, ni nginga inyelu afwele; umwe mukukéta indefu Syake inditu pa bwapasi. Mwe bingi ba umwe mukibwene iki picha. Uswe tuli nakyó kunyuma kula. Itolo sanukisya ikyene kukililo, ndubafu, keta ku kyene. Pala Umwene alipo, itolo mpelelesye mumo ikyene kyáyilile, linga ikyene kyákomigwe i picha iya Umwene. Abene bikukikéta ikyene ukufumila ku busendame ubusobi. Ugwe ubagisenie ukukéta ku kyene mbusendame ubutalusye. Kangi mwene u Ntwa Kyala abagile ukusetula ubusendeme buki bo butalusye. Sanusyaga ikyene ku kililo kinu kangi keta ku kyene. Pala Umwene alipo, itolo mpelelesye mumo linga ikyene kyákomigwe i picha, pamwanya pala.

⁸⁶ Akabalilo ka kwanda une nalimbwenemo Umwene siku, Umwene ábonekaga bo yu *Ntu gwa*... Hofmann. Une ngakibwenemo siku ikyo pabutasi. Kangi nkitembe kya Billy Sunday, ifyinja ukukindapo, une ndinkukibona ikyene. Inyumba yangu yikayamo siku kisita kimokyene kya ma picha ukufuma pala.

⁸⁷ Polelo, apa mmwanya, kikuyoba ukuti u Kyala yulayula uyu une nalimbwene mu mboniboni iyi panja pala, itolo ne ndumiana unnini panja pala pápo inyumba ya sukulu iyi yimile, Umwene aketaga bo lula. Kangi apa m’Mwanya, ifyinja malongo matatu na fitatu ukukindapo, ukusasania ikyene, ukuti ikyene kyo bwanaloli. Umo mo mumo Umwene ikubonekela; somma ikindukimo ikyakwifisa ikya fundo ya munduyumo’mma.

⁸⁸ Bo mu Vatican, abene bali na—na—na Kristi basingwile ukungilania kula, na kasyungutisi ka tundefu tunini pamo usyungutisi gwa ndefu ukusyungutila ikilefu Kyake, ukufwana sinda gwa inchi mbutali, kikwenda itolo ukusyungutila pamwanya pa ndomo Gwake kangi bo *ulu*, nukukikólela ikyo Kristi.

⁸⁹ Ikyo kikumbika une itolo mminogono aga nsinguli gwa kiGriki uyu une numbwenemo akabalilo kamo mu katidro yayiolo, ikunangisya iki Adamu na Eva babonekaga ukuya; abene babonekaga bo finyamana pamo ikindukimo. Ikyo kyo aminogono ga mbili gabagile ukukéta ikya kimo ikya kindu kyamwambepo. Une ngwinogona Adamu áli nnyambala ummogi ukukinda bosa aba bálimo nu bumi, kangi Eva áli nkikulu umpelelesye mu njila yiliyosa.

⁹⁰ Lilino aminogona gamumbili gikufungilisya i Kindu mu minogono gabo bene, polelo Kyala ikutuma pási nukusetula i Kindu ukwisila m'Maka Gake. Ikyo kyo katikati kyabonike apa mmasiku ga Ahabu.

⁹¹ Lilino, uswe tukusyagania ukuti Eliya abagile ukuyoba ikyo, panongwa yakuti i Ndumi ya sala ni Lisyu lya Kyala, pamo, untumigwa, i Ndumi—i Ndumi, kang'i i Lisyu, fyali katikati kindu kimo. U nsololi, i Lisyu, i Ndumi; ntumigwa, Ndumi, kang'i Numi, kyáli kimokyene. Yeso átile, "Linga Une ndikubomba imbombo isi sisimbigwe ukufwana na Une, polelo komma ukunyitika Une." Ikyo kyo kinunu. U nnyambala aligwe ni ndumi yake yo kimokyene.

⁹² Iyo yo nongwa umwisyugu ukuti abene batikwitika mu kubomba imbombo sya Kyala, panongwa yakuti abene batikwitikisya i Ndumi ya Kyala. Abene batikwitika i Ndumi.

⁹³ Loli bala aba bikwitika isala ya Kyala iyi uswe tulimo nu bumi, ifindu ifi Fyakulya ififisigwe. Inogona itolo, Kyala afisile fiyo ikyene mpaka abene bikukiketa palapala pala pa Ikyene kang'i batikukibona Ikyene. Injila yilayila iyi Eliya abagogile amaso aba ababwite ba Syria. Injila yilayila iyi Kyala ikugoga maso abasitabitiki ukufuma ku Kyakulya ikyakubwandilo ikyabwanaloli ikyá mwana, u mwitiki.

⁹⁴ Iki bálinkólile Noa, "u mumilisi," ikuyenga i ngalaba, a maso gake gali migufu ku Lisyu lya Kyala nu lufingo. Ikindu kilakila kila iki abene bakikólelaga búmilisi, kyálimpokile Noa ni nyumba yake. Muketile, ikindu kilakila kila. Ikindu iki abandu bikukiseka, kyo kindu kilakila kila iki uswe tukwiputula. Ikindu iki abandu bikukikóle "kisyutile," uswe tukukikólela "Kikulumba!" Iki ikisu kikukikólela "kikulumba," Kyala ikukikólela "butoyofu." Kang'i iki ikisu kikukikólela "butoyofu," Kyala ikukikólela "Kikulumba!" Ikyene kyo itolo katikati kikindane pakati pa Butalusye nu busobi. Yeso Kristi yo yulayula mmayolo, umwisyugu, kang'i bwilanabwila.

⁹⁵ Kumbukilaga, umwene ábukile mbuyo bwake ubwakwifisa nu bupanganio bwa Kyala, ukwisila pa kukóleligwa na Kyala, kang'i i Lisyu lya Kyala. Eliya alinkwingila mbuyo bwake ubufisigwe ukufwana nu kumanyila-ngánila kwa Kyala, ukulondolosya, kang'i ubukóleligwa pa bumi bwake, kang'i nu kufwana ni Lisyu. Linga iyo yikaya njila yiyo uswe twalingilíle, une ngamanya mumo uswe tukufika kula.

⁹⁶ Kang'i ketesya, bo ululangalanga lukáli ukwanda, Eliya ábukile mbuyo ubu ubwifise kubwitugasye bwake. Ikyakwegelela kikyó ikyá butasi bwa kwanda kwa bulongi ukutika ikisu, i Kipanga kibagile ukuti kikóleligwe, u Nsingiligwa átalile asalígwe, kang'i itolo ikugúlila bo ubulongi bukáli ukutika. Atalile ikugúlila, ikulya i Kyakulya kya Kyala, ikwikyela ni sayo sya Kyala. U mundu aligwesa mminogono

gaka amanunu amenye ukuti uswe ukubuka kulakula, uswe tuli palapala mu sala ya bulongi.

⁹⁷ Kéta! Nkundwe Banks, mwe bingi ba banyambala umwe aba bali apa ikilo iki, twimile panja pala pa kyamba ulubunju lula.

⁹⁸ Kangi une ngulonda ukuyoba isya kyamba kila, pa Ndungu ugwakyilabo kulubunja, u Ntwa itikisyege. Ndinabo ubusetuli unukulumba, ikindukimo ikinde iki une ngabagila ukukifisa ukufuma ukukiyoba ikylene ikilo iki. Loli une ndinakyo... Muketile? Kangi ikylene kikumilisa itolo, akabalilo kosa, ikindu kimokyene kikuboneka ukubuka pa kikinine. Muketile? Ikyene kitisakulekamo siku ukuboneka, kabuno ikylene kyáli yo ISI SYO IKUTI U NTWA.

⁹⁹ Aligwesa gwa umwe apa, maelifu ga maelifu pa tepi, bambilike une ngwima nukuyoba, “ISI SYO IKUTI U NTWA, ikylene kikuyaga *kyakuti* kangi *kyakuti*.” Kangi bope na bakalatasi ba nongwa na ba magazini bikufimbilisigwa ukufumusya ikylene ukuya bo lulalula. Abene batikumanya iki ikylene kili, loli abene bakibwene ikylene. Abene batikukumanya iki ikylene kili, loli abene bakibwene ikylene, ukupela i Lisyu ukuya katikati bwanaloli.

¹⁰⁰ Uswe twalimila pási apa pa kisóko, u Gwandumi gwa Ntwa yula ásulwike pasi ilisiku lila, ifyinja malongo matatu na fitatu, pamo, 1933 ikylene kyáli, ikusuluka pási kangi nukuyoba ifindu ifif Umwene ábombile. Ndinkwenda ukusóka, kangi abanyambala bingi bimile pa kiloboko pala, bikuti, “Ngimba kila kisanusyaga fiki, Billy?”

¹⁰¹ Une ndinkuti, “Kila kikáli kya une; kila kyáli kya umwe. Une ngwitika; umwe mutikwitika.” Kangi itolo ngukindilila ukwenda.

¹⁰² Polelo u ntimi alinkuti kwa une, umwene alinkuyoba, “Ugwe kusanusya ukuti ugwe, nu kumanyila kwa mu standadi kahano na sibili, kubukaga pa kisu kyosa ikya pási nu kwiputula luyungu lwa banyafyale na bamaka na banyafyale ni findu? Kangi, o,” balinkuti, “ibwáko Ikyene!”

¹⁰³ Une ndinkutoligwa ukwibwa Ikyene, Ikyene kyangwáligwe pa ndumbula yangu. Lilino apa, ifyinja malongo matatu na fitatu fikindilepo, kilikyosa iki Umwene áyobile kibonike mbupelelesye mu njila yiyo Umwene áyobile Umwene áyaga pakubomba ikylene. Umwene yo Kyala kangi akabagila ukutoligwa. Umwene bwila ikukyunga i Lisyu Lyake. Umwene... Komma siku ikulilamwa Ilyene.

¹⁰⁴ Lilino, ketesya, umwene álingile mula ukwisila mu lubatiko lwa Kyala (ukumanyila-ngánila), ukukólela kwa Kyala, kangi i Lisyu lya Kyala, kangi ukwingila nkati bo ululanga lukáli ukwisamo.

Lilino, uswe tumenye ukuti ubulongi bwitendekisye ukutika.

¹⁰⁵ Nimile pa kyamba ilisiku lila, Nkundwe Banks Wood imile apa, uswe twendaga ukufyuka icyamba. Lumo une nandisye kangi, ukuti njunge u lwitiko lwinu panongwa ya lukindi lwa lwiputo ulu lukwitendekesya ukubombigwa mu maminiti kalongo, kalongo na mahano aga gikwisa. Une nendaga itolo ukukindilila pankyene pa Nkundwe Banks. Umwene áli . . . Une ngwinogona umwene alindekile Kalumbu Ruby bo umwene mbine. Kangi umwene ikwisa ku nyumba yangu, une naketesisye ikisyo kyake, kikeseфу. Une ndinkukéta ku nyuma. Une ninogonaga ukuti icyamba kyáli panandi kikafu ukuti umwene ikwábe, polelo une mu luko lumo ndinkuhobola. Mulamula mula mmatengele, mulamula mula mfyamba bo *lula*, palapala pala pápo a Bandumi ba Ntwa bábonike. Uswe twasegelelaga mulamula mbwingililo polelo, kuko Abene bábonike imyesi minandipo pabutasi pa apo.

¹⁰⁶ Kangi bo une ngufyuka pa kyamba, u Mbepo gwa Kyala . . . Akabalilo kako une nsyumbutukege, ukuketa pamwanya pa kyamba, Umwene alinkuti, “Pimba mmwanya ilibwe ilyo, kangi uyobe kwa umwene, ‘ISI SYO IKUTI UNTWA, ugwe kuketaga u Lwimiko lwa Kyala mu sala sinandi isi sikwisa.’”

¹⁰⁷ Une itolo ndinkupimba mmwanya ilibwe, nukuti, “Nkundwe Banks, une ngamanya inongwa yake,” ndinkulisopa ilyene mmwanya mu mbepo, kangi polelo une ndinkuti, “ISI SYO IKUTI U NTWA, ugwe kuketaga u Lwimiko lwa Kyala.”

Umwene alinkuti, “Ikyo kyásanusyaga Ruby?”

¹⁰⁸ Une ndinkuti, “Umma, une ndikwinogona icyene kyáli na kalikosa akakubomba na ugwe, Banks pamo Ruby, aligwesa gwa umwe. Une itolo ngwinogona Ikyene itolo kyáyobaga, ‘ISI SYO IKUTI U NTWA, ikindukimo kikubonekaga.’”

¹⁰⁹ Kangi ulubunju lwa kilabo akabalilo uswe twimaga pala, bingi ba banyambala, une ngamanya bitugesye apa lilino, bálipo kalongo na babili pamo kalongo na bana, kalongo na bahano ba uswe twitugesye pala. Nakalinganakalinga itolo, undumbilili alinkwenda ukusegelela kwa une nukuyoba, “Nkundwe Branham,” umwene alinkuyoba, “ingamu yangu ne *Gwakuti-na-gwakuti*.” Alinkuti, “Une náli yumo mwa basonga makopala mu California.”

¹¹⁰ Une ndinkuti, “Une nsangalwike ukwagana na nugwe, nkulumba.” Gouglas McHughes. Umwene alinkuti, “Une ne . . .” Une ndinkuti, “Une nsangalwike ukwagana na nugwe.” Ukuponania ifiboko nu mwene.

¹¹¹ Umwene alinkuti, “Ena, lilino, une ngulonda ukukulalusya ugwe ililalusyo.” Alinkuti . . . Roy Robertson, unkyungakyuma apa; Nkundwe Wood, Terry na Billy, kangi, o, Nkundwe Mc Anally, kangi une ngamanya ywani bosa bálimile pala.

Kangi une . . . Umwene átile, “Une ngulonda ukukulalusya ugwe ikindikimo.” Umwene alinkuti, “Ngimba u Ntwa ikukupamo ugwe siku imboniboni panja bo ulu?”

¹¹² Une ndinkuti, “Ena, nkundwe, loli une ngwisa panja apa mu luko lumo ukusókako ukufuma ku kyene, ukutusya panandi.”

Kangi une ndinkukelengania bo *ulu*, kangi une ndinkumbona u dokotala unywamumbili ikumwenesya umwene, ikuti, “Ntimi. McHughes, ikyakunyegela iki n’diso lyako lululu kisa kugogaga iliso lyako. Une ngugāngile ugwe ifyinja fibili, kangi une ngabagila ukubomba nakimo ukufwana ni kyene.”

Kangi une ndinkusyumbutukila ku mwene. Une ndinkuti, “Iki ugwe gwálandalusisye une ikyo, u dokotala gwako ákubulile ugwe, ilisiku ilingi, ‘Ikyakunyegela kila kyáli n’diso lyako.’” Ukwene kwáli pakatikati pa lisiku, ukufwa isala ya kalongo na yimo pa koloko, kangi umwene áfwele a mandalasi. Une ndinkuti, “Inongwa; ugwe utikufwala ikyo panongwa yakuti ukwene kuli ululanga, ikyene kyo nongwa ya liso lyako. Umwene ákubulile ugwe ukuti ugwe ‘gwayaga pakugoga iliso.’”

Kangi umwene alinkwanda ukukúta, alinkuti, “Uko ko kutalusya.”

¹¹³ Une ndinkusyumbutuka ukwenda ukusyumbutuka kangi, náli ni foyolo nkiboko kyangu. Kangi une ndinkuketa; une nalimbwene umwene imile pala ikungeta une, amaso gake itolo gali kanunu. Une ndinkuti, “Loli ISI SYO IKUTI U NTWA, ugwe ukaya pakutaga i liso lila’mma.” Une nafwimaga nayu mwene akabalilo ka kugwa mani aka kakindile, umwene abagile ukuketa kanunupo ukukinda une na aligwesa nkilundilo. Umwene siku . . .

¹¹⁴ Kangi une numbwene unkikulu unkangale ukukwabila pasi i hozi yake nukufyusya ulubafu lwa siketi yake. Umwene alinkuti, “Mwanangu, linga ugwe kwagana nu Nkundwe Branham, mbula umwene ukunyiputula a malundi gangu.” Kangi une ndinkuketa pasi pala, akngi akanini. . . fyabonega ukuya ifitundumale fípayike pa malundi gake, ukusyungutila.

¹¹⁵ Une ndinkuti, “U yuba gwako yo nkikulu ugwanywili-imfubifu. ‘Mwanangu,’ umwe muketile. Umwene akubulile ugwe bo ugwe ukali ukasokapo, lingwa kwagana na nine, ukundalusya une ukuti niputilege a malundi gake. Umwene ali nago utu tundumale utunini, tufwene, twipayike ukusyungutila mosa mmalundu gake.” Umwene álondaga ukusilika.

Alinkuti, “Ubo bo bwanaloli.”

Une ndinkuti, “Mbule umwene alingapasyaga’mma. Ikyene kikuyaga kyosa kanunu.”

¹¹⁶ Une ndinkwanda ukwenda ukusyungutila. Polelo une ndinkupilika i Lisyu lya Kyalala likuyoba, lilinkuti, “Epuka pa njila, nakalinganakalinga.”

Roy Robertson imile pala, mmenye ukuti umwene áli gwaiyolo gwabwite, une ndinkubika ikiboko kyangu pa kibega kyake, une ndinkuti, “Nkundwe Roy, bwalala, nakalinganakalinga mumo ugwe ubagilile!”

Alinkuti, “Ngimba fiki fitamisye?”

Une ndinkuti, “Epuka pa njila! Ibwalala!”

¹¹⁷ Kang itolo ndinkwanda ukwendendeka ukusyungutila, ukubika i fyosyolo pási, ukusyumbutuka, ukufula ikitili kyangu. Kangi apa Umwene ikwisa, u Lwimiko lwa Kyala lukugwa mwa kafulafumbi uyu aswanywile ulubafu lwa kyamba panja bo lula, nu kubalasia nu kusenyenda ubuyo bula bo lula, ukutumula pa mwanya ba síngi; itolo ukufwana ama fiti matatu pamo mana, mahano ukufyuka pantu gwangu. Ukugomokela mmwanya ukufwana yi funelo bo lula; Ukwene kuli nkupanda kangi. Kangi, apa Ikyene kikwisa, katatu kosa.

¹¹⁸ Polelo akabalilo kako Ikyene kikusókapo, aka butatu, Nkundwe Banks alinkusegelela, alinkuti, “Ikyo kyo iki ugwe gwáyobaga ukufwana ni kyene?”

Une ndinkuti, “Ena.”

Alinkuti, “Ngimba ikyene kyáli fiki?”

¹¹⁹ Une ndinkuti, “Kyala ikuboneka mu bakafulafumbi.” Une ngámenye ukuti kali Umwene alondaga une mbabúle a bandu pamo'mma.

¹²⁰ Polelo une ndinkukindilila kangi ndikwiputa panandi. Polelo Umwene alinkumbula une nábagile ukubabula abene. Une ndinkuti, “Ubwene bo bulongi bukutika i Kiloboko kya Bwingil'ilusuba.” Kéta ku mwene umwisyugu! Kéta iki kyábonike isala inandi ukufuma apo: Alaska ayubikigwa. Kangi lilino ikindi kyosa kikwingilaga pási. Uswe tukwingila mbulongi. Ikisia kipíkigwe.

¹²¹ Loli ulupalisyo luyege kwa Kyala, uswe tuli nakyo i Kyakulya ikifisigwe, i Kyakulya kyamwambepo, ukuti uswe tuli nu bumi pa bununu ni kisa kya busetuli bwa Yeso Kristi mmasiku ga bumalakisyo aga, ukwisimikisya Mwene pakati pa bandu Bake. Ameni! Abene balinkwingila nkati. Eliya alinkwingila nkati bo ululanga lukísa. Ndaga Kyala panongwa ya kuya nkati bo u bulongi bukísa. Lilino ko kabalilo ka kusókela panja nu kwingila nkati, ukufokamo panja pa fibugutila fila nu kwisa nkati mwa Krsiti, a kabalilo ka kusokela-panja nu kwingila-nkati ku bosa a bitiki babwanaloli.

¹²² Polelo umwene alinkukólela, kangi alinkusyala mula. Kumbukilaga, umwene akasókilepo siku pa kasoko kala mpaka Kyala alinkólile umwene.

¹²³ Kangi bo ululangalanga lumalike, Umwene alinkukólela umwene ukufuma mula, ukusulukila ku nyumba ya nkikulu mfwilwe. Ketésya, Umwene alinkólelile ku mfwilwe uyu. Kangi

umfwilwe uyu akalilanilemo mma mwene na basitakwitika; ukwega ikingwale kya kinyamana akabalilo ka lulangalanga. Polelo Umwene alinkunkólela umwene panja uku... alinkunkólela Eliya ukunswila u mfwilwe. Abene bali itolo ni kisyesye kimokyene ikinini, ikindu kimokyene itolo iki umwene álibanilileko. Kangi Eliya alinkuti, “Mbapo ikyo kwa une, tasi. Kabuno, ISI SYO IKUTI U NTWA, indeko yitisa kuswepa pamo akapake ukukamuka mpaka kuma'mma, mpaka i lisiku ili u Ntwa Kyala ikutumaga ifula pa kisu.” Ukubika Kyala ikyakwanda, i Lisyu Lyake ikyakwanda!

¹²⁴ Ketésya, bwalipo u bufu mu ndeko. Akabalilo kosa umwene abukaga ukulonda u bufu, bwalimo u bufu mu ndeko. Galimo a mafuta nkipake, akabalilo kosa umwene abukaga ukulonda agene. Fiki? Bufu bukwidila Kristi mu kyabupi-bufu. Ifisyelo fyafimbilisigwaga ukubatikigwa itolo nubutalusye, ukusya kalikosa ka ubwene. Ifisyelo fya bufu ubu katikati fyafwenefwene, ukunangisya ukuti Umwene yo yulayula mmayolo, mwisyugu, na bwilanabwila. Lila lyáli Lisyu, u Nkati gwa Bumi gukukonga indumi, ukusisimikisya i Lisyu.

¹²⁵ Momumo ikyene kiyilíle umwisyugu, binangu. Momumo ikyene kiyilíle umwisyugu, u Nkati gwa Bumi gula ugu abana bikulyamo, gukukonga i Ndumi ya Kyala, ukubaswila abene nkabalilo ka lulangalanga. Bule linga Umwene álimile nkuyapo kwitu umwisyugu? Bule linga Umwene álimile mu kuyapo kwitu lululu ulu? Umwene angali ikubombela kangi ukubomba itolo katikati mumo Umwene ábombile amasiku gago Umwene áli mu mbili apa pa kisu. U Nsingiligwa yo kiyabo kya Ndume, i Kipanga kyo kifwanefwane na Kristi. “Ímbombo isi Une ngubomba mwisakubombaga umwe numwe.” Kangi ilyene lyo Lisyu ili libombile ikyene. Umwene átubulile uswe ukuti ifindu ifi Umwene ábombile ukuti uswe twisakubombaga nuswe.

¹²⁶ Uswe tukuketesya apa kangi, linga i Lisyu lili mwa uswe kangi lisile kwa uswe, mu Ilyene lyábombile kwa Eliya mu lisiku lila, Ilyene likubombaga ikindu kilakila iki umwene ábombile, umwene áyaga pa Findu fya Kyala ififisigwe ifi fyafisigwe ukufuma ku kisu kyapási. O! Kangi, ikyene kikapela i Ndumi nu ntumigwa ukuya kimokyene. Ikyakulya kyamwambepo kitendekesigwe, kangi Ikyene kikíle lilino. Kangi aligwesa gwa umwe abagíle ukuya nakyo i Kyakulya iki linga ugwe kulonda Ikyene, linga ugwe kulonda ukwibilila ukufuma ku bosa ubusitakwitika ubwa sala iyi, linga ugwe gwitendekisye ukwisa mwa Kristi, ukwisa mu lufingo Lwake.

Kangi kumbuka ifingo Syake, mwa Malaki 4, Luka 17:30, mope mwa Mwikemo Yohani 14:12, kangi go malinga a Masimbo agangi, agakubúla, Yoeli 2:38, kangi fyosa ifi Umwene átigi isakubombaga, pamo 2:28, ndigi, iki Umwene áyaga pakubomba mmasiku ga bumalikisyo aga. Kangi mumo u nsololi áyobíle ukuti kwisakuya Lumuli mmasiku ga bumalikisyo, mumo

Ikyene kisakubombela, iki Ikyene kisakubombaga, a Masimbo gosa ukusosola ku masiku ga bumalikisyo ili. Kangi ikyo yo Kristi! Linga ugwe ubagile ukwifisa mu Ikyo lilino, mu Buyo ubwakusofu bula, ugwe ubagile ukulya nukukéta u bununu ni kisa kya Kyala. Linga ugwe uli mbine, bulipo u bubumbulusyi mula.

¹²⁷ Umwe mukukumbukila akabalilo kako Elisha, pankyenipo, ákolile pási . . . Ukufuma pa kyabupi-bufu iki umwene áli nakyo, Kristi, kangi áswilile i nyumba ya nkikulu mfwilwe ni Kyene. Ketésya, pankenyi pake akabalilo kako umwene ákolile u moto ukusuluka ukufuma kumwanya, kangi ni fingi, nu kususimikisya ukutumigwa kwake, ukwa Kyala, u Mbepo gwa nsololi.

¹²⁸ Ketésya, mmatengele, akabalilo kako umwene álambalalaga pási pa mpiki gwa minyele, u Gwandumi ikusuluka pasi nu luko lulalula ulwa bufu, nukutendeka tumo utusyesye nu kunswila umwene. Kangi pankyene pake panandi umwene alinkugonesya utulo kangi, kangi ukunsumusya umwene, kangi umwene álile utusyesye utwakongelelapo utu twápiyiligwe kwa umwene. Kangi umwene alinkubuka mmaka ga fisyesye fila ku masiku malongo mana. Lwimiko kwa Kyala! Umwene yo yulayula mmayolo, umwisyugu, kangi bwilanabwila. O, mumo uswe tukunganila Umwene, i Kyakulya kyamwambepo mbukye Bwake!

¹²⁹ “Ukwene kukaya kununu ukwega u nkati gwa bana nu kugupapo ugwene kúmbwa.” Ngimba Yeso akáyobile ikindu kilakila ku nkikulu gwa kiSryophenicia? Umwene átumigwe ku Bake Mwene. Uko ko kutalusya. Kangi ikyo kyo bene aba Umwene isile. . . Umwene akábukilemo siku ku Bapanja.

¹³⁰ Kangi lilino umwisyugu Umwene ikuyatila a Bapanja nkabalilo kabo, kangi ukwene kukaya kununu. . .

¹³¹ Ugwe kuyoba, “Yo nongwa ya fiki i Ndumi yitikubuka panja mmabuyo amanywamu amakulumba aga, aba krusedi abanywamu, bo pakati pa fipangafipaguke?”

¹³² Ikyene kikaya Kyakulya kyabo. Ikyene kikaya kipanga, mumo kikukóleligwa, Kyakulya. Ikyene kyo Kyakulya kya Nsingiligwa. Ikyene kyo Kyakulya kyamwambepo. Ikyene kikubatendekaga abene ukuya babine munda mwabo. Ikyene kisito fiyo ku bene. Muketile? Muketile? Ugwe—ugwe—ugwe ukabagila ukubomba ikyene. Loli, ku bana, Ikyene yo Nkati, Ikyene yo Bumi, Ikyene yo Yeso Kristi yulayula mmayolo, umwisyugu, na bwilanabwila.

¹³³ Uswe tukukabilaga fiyo linga uswe tutikwanda u lukindi lwa lwiputo lilino, polelo unko uswe twinamisye i mitu gyitu pa kabalilo itolo.

¹³⁴ Gwe mpala Kyala, Kyakulya mbukye bwake, Kyakulya kyamwambepo. Ikindukimo iki ikisu kyapasi kitikumanya nakimo ikyo ikyene. Mumo uswe tukupilika u Ntwa gwitu

ikuyoba ikilo kila, pamo i lisiku lila pasi pala ku Samaria, u buyo bulabula ubu Elisha áyendile nu kuyoba, “Fiki, indungwa yitisakugwa mpaka une njikólele iyene.” Apa álimile Yeso pala ikubabula abafundigwa Bake.

Balinkuti, “Fundi, fiki Ugwe utikulya?”

Umwene alinkuti, “Und ndinakyo i Kyakulya iki umwe mukamanya nakimo isya ikyene.”

¹³⁵ Noliloli, Ntwa, i Kyakulya Kyake kyáli ko kubomba ubwigane bwa Kyala, ukukéta i mbombo sya Kyala sikuboneka na maso mu sala Yake. Umwene áli pala ukukéta ukuti ikyene kyábombigwe. “Une ndikubomba nakimo pene pápo u Tata Gwangu ikunnangisya Une ikyakwanda. Iki u Tata ikunnangisya Une, ikyo kyo Une ngubomba.”

¹³⁶ Kangi, Tata, mo mumo ikyene kiyilíle umwisyugu. I Kipanga, umwitiki ugwabwanaloli, u Mbili gwa bitiki, alinako ukufikila ku Kyakulya, i Kyakulya kyamwambepo, iki abandu balibosa batikumanya nakamo isya ikyene. Ikisu kypasi kitikumanya nakimo ikya Kyakulya iki, Tata. Loli i Kipanga Kyako, abandu Bako, u Nsingiligwa gwa Mwanundumiana Gwako, bikukigana Ikyene.

¹³⁷ Uswe tulinako ukufikila ku bubumbulusyo bwa mibili gyitu akabalilo kako abadokotala batoligwe. Uswe tulinako ukufikila ku iki. Ikyene kyo kimo mwa Fyakulya fya Kyala, iki Umwene akipele ku Kipanga Kyake, kangi áfingile ikyene mmasiku ga bumalikisyo ku bana Bake aba bikwitika. Tata, tutula uswe ukuya bana aba bikwitika, kabuno ifindu fyosa fibagisenie ku bitiki. Tupaga ikylene, Gwempala Kyala. Uswe tukusuma ikyene mu Ngamu ya Yeso. Ameni.

¹³⁸ Une ngusubila Billy áyobile ukuti abene ayabanisye amakadi ga lwiputo limo. Linga umundu yumo abagile ukumbula une ilisimbo ili lili pa kadi ya lwiputo, ikyo kyo kyene iki une ngulonda. [Umundu yumo ikuti, “C.”—Nsimbi.] C, umma ndaga, unko uswe twege C, yumoywene, andaga itolo, mpaka une ngupelaga u lukindi ukwandako. Muketile, lilino, abene babagile ukuya pali posa. Lilino, linga aligwesa... Ena, muketile, une nguyapakugela iki. Une ngamanye ukuti kali uswe tubagile ukubomba ikyene pamo'mma. Pamo lumo uswe tubagile itolo ukuya nako ukólela ulukindi; umwe mukwitugasya kimyemye. Ikyene kikaya ni mbombo ku myangu. Linga umwe mukwaga kinunupo ukwisa kumwanya kuno pa kigemo, pamo ukuya nu kukólela ulukindi, ikyene kikaya ni mbombo, itolo injila yimo pamo iyingi. Une itolo ngusubila mwene mwa Mbepo Mwikemo. Une ngusubila pa Umwene ukupakikisya i Lisyu ili lilyo une ndumbilíle.

¹³⁹ Nkundwe George Wright, une ngwitika Ikyene. Ukufuma pápo ndindumiana nnini, ukusulukila ku nyumba yako ifyinja fingi ifi fikindilepo, ukupilikisya kwa bwabwalala itugesys mu

mpiki, une ngali ngwitika yila i Ndumi yilayila. Une ngwitika Iyene yo yilayila.

¹⁴⁰ Umma ndaga, une nguketa abene bikusosyako abandu kunyuma kuno panongwa ya lukindi lwa lwiputo. Umma ndaga, kadi ya lwiputo C, mbalilo yakwanda, kibili, kitatu, kina, kihano, isakaga gwakwanda kangu mwimege papapa apa. Linga ugwe ukubagile ukwima, linga ugwe kufyusyaga ifiboko fyako, bamo mwa bene bikufimbilisigwa ukwisapo. [Yumo ikuyoba kwa Nkundwe Branham—Nsimbi.] (Ngimba icyene kyo fiki? Ena. A-ha.) Kadi lya lwiputo C, kangu filifyosa ifingi. Kangu lilino ketesya, umwe mutikufimbilisigwa ukuya nayo i kadi ya lwiputo . . .

¹⁴¹ Lilino, une ngayamo nalo ulukindi lwa lwiputo bo ulu ku kabalilo katali, katali. Baling bikukumbukila ubutumigwe bwangu akabalilo kako uswe twayengile i kitembe apa? Alinkuti, “Bomba imbombo ya mbangéli.” Akátile une nnáli mbangéli. Alinkuti, “Bomba imbombo ya mbangéli,” muketilw, “kabuno isala yikwisaga akabalilo kako ikyo kisakusanusigwa.” Isala yila tikusegelela ukwisa. Umma ndaga. Lilino, mu iki, Umwene . . .

¹⁴² Ugwe ukabagila ukufulugania ubutumigwe bubili pamo butatu palikimo, ntimi nu bángela inongwa, akabalilo kamokene. Ugwe ukabagila ukuya u—u nsololi kangu lumo ukuya ntimi, akabalilo kamokene, muketile, ’nongwa yakuti ugwe uli no mbombo syakukindana, ubutumigwe ubwakukindana.

¹⁴³ Loli u Ntwa apele iki une mbagile ukubomba mu Ndumi yangu. Loli polelo Umwene alinkuti, “Bomba imbombo ya mbangéli, tendeka ubusisimikisye bosa ubwa butumigwe bwako, kabuno isala yikwisa akabalilo kako abene batisa kwikasyaga pa Kimanyisyo ikinunu.” Linga ikyo kikisa lilino! Ikipangakipaguke kilikyosa kingánile une. Abene balinkutoligwe ukwikasya pa Kimanyisyo ikinunu. “Loli ukubopela ifinyonyo fyabo abene bikutwala abamanyisi babo bene mula, kangu abene bikusanusigwaga tupángo. Kangu abene bisakubombaga ifindu ifikulumba ukukabíla bandu bo yu Yambure na Yanesi aba balwanaga na Mose, loli ubutoyofu bwabo bwisakubonekelaga.” Muletile? Muketile? Umma ndaga, ukwegelega! Umwe muketile mumo Yambure . . .

¹⁴⁴ Kangu, Kyala Kumwanya amenye, iki kilambalele mulamula mula mu nguto- . . . (ikya kitembe kila) . . . -ibwe ukufuma 1933, kisimbigwe pa lyani lya li Bangeli, kilambaleli mulamula mula. Kéta mumo abene bábobile icyene. Kéta iki kisile ukuboneka. Ukwegelela, itolo katikati. Alinkuti, “Baleka abene, ubutoyofu bwabo bwisakumanyikigwaga mu njila yilayila bo ya Yambure na Yanesi yáli.” Apa uswe tulipo mu lisiku lila.

¹⁴⁵ Une náketile i kipanga akabalilo kala bo uswe tukwala itolo ibwe-nguto, abandu bipayikaga mbuyengelo na mosa, bimilile ukusyungutilla ifibumba ifya kitembe. Muketile umwe

lelo. Abene balinkuti, akabalilo kako ikyene kikufyuka, abandu ba nkáya apa, balinkuti, “Mukati mwa miyesi mihano na gumo . . .” Uswe tuli na dolla yimoyene na ma senti malongo lwele ukuyengela ikitembe, bingi abandu ba ma garaja basisimikisye ukuti ikyene kisakuyaga garaja yabo. Loli ikyene kikáli kibaga kya ng’osi kya Ng’osi sya Kyala.

¹⁴⁶ Yakwanda, kibili, kitatu, kina, kihano, kihano na kimo, kihano na sibili, lwele, ihano na ina, kalongo. C, ihano na yimo, ihano na ibili, lwele, ihano na ina, kalongo. Umma ndaga.

¹⁴⁷ Lilino, “Une ne Ntwa mbyele ikyene, Une ngwisakonelalaga amisi pamusi na pakilo kisita iki yumo abagile ukunnya ikyene ukufuma ku kiboko Kyangu.” Kéta ku lukemelo! Kisita kipangakipauke na kimokyene ikyakwimila na Ikyene. Kisita kipanga na kimokyene ukukigana Ikyene ukusyungutila nkisu kuno. Kisita Pentekosti nkisu, nakimo ickingi ukukiswila Ikyene. Aligwesa ukulwana nu losyo lwa mmisi, aligwesa ukulwana na fyosa ifindu ifingi ifi. Kope ku kikolo kyangu nimwene, u bába gwangu mwene alinkungagile une panja pa kifigo, une ndinkwega imyenda gyangu mu kanyambi ka fikalasi nukubuka nukwakwitugasya mu New Albany. Kutalusya.

Loli ukukinda isoka nyingi, ubutololwe ni
fipingo,
Une ndalile nisile;
Ilyene lyo lipyana ili lindwele une kanunu
mpaka numwisyugu,

Une ndi ni fyinja malongo mahano na fihano na kimo mbukusi, kangi lululu ulu une ngufimbilisigwa ukuloboka ulusoko.

Ilipyana lisakungindisyaga une.

Bo une ndi kula ifyinja maelifu kalongo,
Ngumulika mwelu bo lisuba;
Uswe tutisa kuyaga na masiku manandipo
ukwimbila ulutufyo lwa Kyala
Ukukinda bo uswe tukwanda ku bwandilo.

O, mumo une nunganile Yeso! Umwene yo kisu kyosa kwa une!

¹⁴⁸ O, umma ndaga, balinga aba une . . .? Po poki apa une ndekile, kalongo? Ngimba uswe tubagile ukwega abangi ukongelelapo? Umma ndaga. Ikyene kyáli fiki, kalongo, kalongo na ihano? Umma ndaga. C, kalongo ukubuka ku kalongo na ihano, kulikosa kuko umwe muliko, linga umwe mubagile ukwima nu kwingila muno. Mukuti fiki? Huh? Umma ndaga. C, kalongo na ihano ukubuka ku malongo mabili, kokuti. Unko ikyo kiyeye C, kalongo na ihano ukubuka malongo mabili. Ikyo kikuyaga abandu kalongo ukongelelapo. Uswe tukuketa . . . Umwe muketile—muketile kuko ulukindi lwimile kula, uswe

tutikulonda abene—tutikulonda abene bafyenyanega. Kangi uswe twisa. . . Umma ndaga.

¹⁴⁹ Lilino mbapo une ubupilikisyo ubusita kuyabania; uswe tutikukabila'mma. Loli, lilino, o, yo salanki, ko kabalilonki! Une—une ngunyonywa ukuti aligwesa ábagile ukungana u Ntwa. Une—une ngunyonywa ukuti uswe twesa twabagile ukwisa pa buyo bula ukusyagana amaka ga miniti iyi. Unko uswe tugele icyene. Mbapo itolo une ukupilikisya kusita kuyabania.

¹⁵⁰ Ngimba fiki—fiki ifi uswe tukugela ukubomba apa? Uswe tukubika i Lisyu lya Kyala kukugeligwa. Eliya ábombile ikindu kilakila, ukwenda panja pa kyamba ukufuma pápo umwene ámenye ukuti umwene átumigwe ukufuma kwa Kyala ukubomba icyene. Umwene alinkuti, “Lilino unko uswe tusisimikisye ukuti Kyala yo ywani, unko u Kyala uyu ikwamula nu moto ayege yo Kyala.”

¹⁵¹ Kangi abiputafifwani balinkutumula, o, yoba, “Ena, naloliloli, umma. . .” Aba—aba biputfifwani bámenye ukuti u moto gutayaga pakugwa, polelo abene bálalataga nukukindilila.

¹⁵² Loli Eliya ámenye ugwene gwayaga pakugwa, 'nongwa yakuti umwene áli ni mboniboni ukufuma kwa Ntwa.

Ugwe kuyoba, “Umwene áli ni mboniboni?”

¹⁵³ Ena, nkulumba! Akabalilo kako umwene ábikile fyosa ndubátiko, umwene alinkuti, “Ntwa, une mbombile fyosa ukufuma ku bulagili Bwako.” Kangi polelo u moto gulinkwanda ukugwa. Akabalilo kako i Lisyu lya Kyala likyungigwe ku lisimbo, polelo iyene yo mbombo ya Kyala ukupakikisya kilikyosa kya icyene. Umwene ikukusuma itolo ukulambalika icyene panja pala. Kangi ya nsinsimikisiyi ukuti ugwe ukóleligwe ukulambalika icyene panja pala. Muketile? Kangi linga ugwe guli, Umwene isakupakikisya fyosa ifya icyene.

¹⁵⁴ Lilino, apa balipo abandu bikwisa ukukinda ulukindi ulu aba une ngwisakwiputililaga. . . Lilino, ena, umwe muli itolo kifuki ni kibumba lilino, umma ndaga, ku lukindi ku bwandilo. Lilino, icyakwanda, ku bunini fiyo pa buyobumo muno mu nyumba, abandu bamo. . .

Balinga apa alipo babine kangi bakanayo ikadi ya lwiputo, fyusya ikiboko kyako. Muketile, itolo paliposa. Lilino, ugwe umenye linga Untwa. . . Kangi une ngwitika Umwene isakubombaga, linga Umwene yo yuyo mmayolo, umwisyugu, na bwilanabwila. Umwene ikubomba imbombo mu ngindi sya lwiputo. Abandu bísaga kwa Umwene mu ngindi ingulumba, ifilundilo, Umwene abapalamasyaga aben, ukubasaya abene. Polelo Umwene alinkwima akabalilo kamo nukuyoba, “Ywani uyu ambalamásisye Une?” Ukukelengania, ukumbula unkikulu iki umwene alimpalamisisyile Umwene; nukumbula umwene ukuti ukusóka kwa lilopa kwake kwamalike, ulwitiko lwake lwalintendike umwene ukuya mbumbuluke.

155 Bule linga umwene asyumbutwike nukuyoba, “Ena, une ngamaya, Ntwa, une ndinakyo iki akabalilo katali”? Ikyene angali kikabombigwa'mma. Umma, ikyene angali kikabombigwa. Umma.

156 Bule linga Umwene alimbulila unkikulu gwa ku Syrofenicia, “Panongwa ya lisyu ili lilyo ugwe uyobile, umwanundinwana gwako, u sétano asokilemo ukufuma mwa umwene,” bule linga ikuyoba, “Ena, lilino, Ntwa, une—une ngulonda Ugwe ukubomba ikyene injila *iyi*”? U—u sétano angali akáli mu ndindwana. Loli umwene ásubilaga ukummwaga umwanike gwako mumo Umwene áyobile ukuti umwene ayaga pa kummwaga umwene.

157 Lilino, Umwene átubulile uswe, “Linga ugwe ubagile ukwitika! Linga ugwe ubagile ukuyoba ku kyamba iki, ‘Samisigwaga,’ kangi komma ukwilamwa mu ndumbula yako, loli kwitika ukuti iki ugwe uyobile kyisakubombigwaga, ugwe ubagile ukuya nakyo ikyene. Akabalilo kako ugwe kwiputa, itika ukuti ugwe gwambilile ikyene, ikyene kisakupigwaga kwa ugwe.” Lo lufingo luki!

158 Lilino u nnyambala uyu ikulumbilila inongwa ya bwinake komma ukwitika iyo na panandi. Umwene endaga ukwisa ku kifigo, ukukéta nkati, pamo ikwima pala, nukuyoba, “Ena, ikipambo ikingi itolo ikya babunguluka bikemo,” nu kusókapo. Muketile? Loli umwene akamanya ukuti iki kyo Kyakulya ikifisigwe. Umwene atikumanya ukuti iki kyo Kindu kyakusofu iki kifisigwe ukufuma ku mwene. Umwene atikumanya ikyene. Ikyene kyo—ikyene kyo—ikyene kyo kipelekisa, aminogono aga galibwasi, mapelakisa, mafwamaso, kangi gatikumanya ikyene. Muketile? Ikyo kyo kindu kinyali.

159 O Kyala, unko une mfwe ikyakwanda, loli komma ukunyega une bo ulo. Une kinunupo mfwe (ena, nkulumba) ukukinda ukubomba ikyo. Une ngwinogona aligwesa gwa uswe ábagile, ngimba tukabagila uswe?

160 Loli, lilino, Kyala afindu kwa uswe ifindu ifi mmasiku ga bumalikisyo. Mwa Malaki 4, áyobile ukuti u Yeso Kristi ayaga pa kusuluka nu kwiyila-mundu Mwene mu mbili gwa bundu mumo Umwene ábombile ku Sodomu. Uko ko kutalusya. Kangi alinkuti ikisu kisa kuyaga mbwitugale bwa Sodomu. Kangi átile, “Mumo ukwene kwayilile, polelo u Mwanundumiana gwa mundu isakusetuligwaga ilisiku lila.” Muketile, u Nnyambala uyu ásulwike pási ukuya mbubumbe bwa mundu, uyu yo “Elohim,” ukwisila mwa Abraham, bo umwanundumiana umfingigwe uyu akálu ukwisa. Kéta iki kyáli, Abrahamu áyobile ikyene áli Kyala. Kangi ili Bangeli lyáyobile balipo abanyambala aba bálisile kwa umwene, ulufumbi pa myenda gyabo, ukwenda, ukwitugasya pási nu kulya bo bandu. Kangi Yeso alinktui, “Itolo pa kabalilo

pápa ikisu kikwingila mbwitugasyo bwa Sodomu, polelo u Mwanundumiana gwa mundu isakwisetulaga Mwene kangi.” Komma Mwanundumiana gwa Kyala, u Mwanundumiana gwa mundu, muketile, isakwisetulaga Mwene.

¹⁶¹ Lilino ngwala ikyo na kikyó unsololi gwa bumalikisyo áyobile, “Kéta, Une ngutuma kwa umwe u nsololi Eliya, kangi umwene isakugomokesyaga i—i ndumbula sya banike ukugomokela ku ba tata.” Muketile? I Ndumi ukubatwala abene ukugomokela ku li Bangeli, kangi u Mwanundumiana gwa mundu isakwisetulaga Mwene mu li siku lila. Kangi ku li siku lila ilyakwimba kwa ngulilo ya kipanga iyabumalikisyo, ugwandumi ugwa buhano na bubili, ifyakubutitu ifya Kyala fibagile ukumanyigwa mu li siku lila. I Fimyatiko Fihano na Fibili fisakwabuligwa. I fyakubutitu ifya fipanga fyosa ifi ni findu, mumo ifyene fyábonike, kangi iki fyabo-...mumo, iki kyábonike.

¹⁶² Muketile, abene batikukimanya Ikyene. Yeso átile, “Umwe mwebafwamaso Bafarisai!” Alinkuti, “Linga umfwamaso ikulongosya umfwamaso, ngimba abene batisakugwilaga nkibwina?” Muketile, iyo yo nongwa abandu bala batikuketaga Ikyo.

¹⁶³ I fyakubutitu ifya Ikyene, fyo, Fimyatiko fila, kilikyosa kya fipanga fila fyatendíke ikibugutila kangi kilinkubuka nkati mu kyene, kangi ikyo kyo kimo mwa fyakubutitu ifi fyáli fisobi pankyene pa Kyala. Ugwe kukéta ikyene, Doctor Lee? Muketile, kéta. Ikyene kyo kikyó. Ikyo kyo ikyene palapala pala. Ikyo kyo kimo mwa fyakubutitu. Abene bábatikaga kangi, kéta, kangi áli mosamosa itolo panja pa bwigane bwa Kyala. Kangi ikyo kisabikigwaga pa bwelu mu mmasiku ga bumalikisyo, nukubalongolela a bandu, komma ku kamanyisyo, pamo i kipangakipaguke, loli ukugomokela ku Lisyu ilyabwanaloli. Kangi i Lisyu lyabwanaloli lisakwisaga ku kabugutila kamo a ka bandu, kangi u Mwanundumiana gwa mundu isakwisetulaga Mwene nkati mmyabo, “yulayula mmayolo, umwisyugu, na bwilanabwila.”

¹⁶⁴ O, mwe! O, une ngiganile ikyo. Une niganile—une niganile ukwitufya pa Umwene. Une niganile u—u kumpela Umwene ukuya nnywamu pankyeni pa bandu. Une ndikufimbilisigwa ukumpela Umwene nnywamu; Umwene yo atalile ukuya nnywamu. Umwene ali pamwanya fiyo ugwe ukabagile ukufyuka ukukinda Umwene, nsolofu fiyo ugwe ukabagile ukwingila pasi ukunkinda Umwene, mpapate fiyo ugwe ukabagile ukunsyungutila Umwene, kangi loli ugwe uli nabo u buyo mu ndumbula yako bwa Umwene. Ngimba ugwe utisakummwambilila Umwene? Bo buswigisye buki ubu Ntwa gwitu ali nabo! Umma ndaga.

¹⁶⁵ Lilino unko uswe twisa kukuya bákimyemye naloliloli, aligwesa. Lilino, uswe tuyobilepo isya Iki. Kangi lilino ikindu kya ikyene kyo, ngimba Ikyene kyabwanaloli? Lilino, babagile ukuyapo abahesya muno. Une mbagile ukuyoba linga...kwa ugwe, linga Kristi yo yuyo mmayolo, umwisyugu, na bwila, ngimba Umwene ikubombaga fiki pa miniti yimo iyi? Umwene ikubombaga ikindu kilakila iki Umwene ábombile akabalilo kako Umwene áli apa pankyeni pa. Ngimba isyo ndalusye? Ulwitiko lwa bandu lukuyaga pakumpalamasya umwenda Gwake, kangi Umwene isaga pakusyumbutuka. Mumo umwene ábombile ku nkikulu pa kisiba, kangi Umwene ábombile pa mabuyo agangi, kangi Umwene apilikisyaga aminogono gabo.

Lilino, ugwe kuyoba, “Ngimba Umwene ikubumbulusyaga une?”

¹⁶⁶ I Lisyu Lyake liyobile Umwene atalile abombile ikyo. Loli ikindu kimokyene kya ikyene kyo, ko kwitendeka ukwimanyisigwa Mwene ukuti Umwene ali apa.

¹⁶⁷ Lilino, linga Umwene ikubonekela kwa uswe mu mbili umpalamasígwe, ikuboneka katikati itolo bo busingule bwa Hofmann ubwa *Ntu gwa Kristi pa Fyinja Malongo Matatu na Fitatu*, kangi ililopa likusoka ukufuma nkiboko Kyake, na fyosa, ifikoko fya misumali mosa mu Myake, une ngabagila ukukytikisya ikyene. Umma, umma. Umma, umma. Akabalilo kako Umwene ikwisa, Mwene, “Iliso lililyosa lisakumbona Umwene, ululimi lulilosa lwisakumfumusya Umwene; kangi bo ki kitayataya kikufuma ku Busokel’ilisuba ukubuka ku Bwingil’ilisuba, momumu ikyene kisakuyaga.” Muketile? Uswe tutikwitika utubugutila utu ni fikolo ifi. Uswe tukwitika Kyala yo Lisyu.

¹⁶⁸ Loli Umwene ikwibika Mwene mu mbili, ukwega u mbili gwako nu mbili gwangu, nukúpa ugwe ifyabupi, ukúmba une ifyabupi, kangi ukwisila mu fyabupi ifi Umwene ikwitendeka Mwene ukumanyigwa. Ikyo kyo Kyakulya kyakubutitu. Kali bo mwingi buki Umwene abagile ukwimanyisya Mwene kwa une, umwe mukufimbilisigwa ukwitika Ikyene, ugwe kufimbilisigwa ukuya kyabupi kya lwitiko, nugwe, kwitika Ikyene. Umwe mukwitika ikyo? [Ikilundilo kikuyoba, “Ameni.”—Nsimbi.] Kangi lilino linga Umwene isakwibonesyaga Mwene mu njila yila, ngimba ugwe kummwitikaga Umwene? [“Ameni.”] Ni ndumbula yako yosa, ngimba ugwe kummwitikaga Umwene? O, bo buswigisye buki, itolo ngugulila pa Umwene, itolo ngugulila ukuketa iki Umwene ikuyobaga.

¹⁶⁹ Apa alipo u nnyambala imile apa. Une ngambonamo umwene siku mbumi bwangu, mumo une mmanyile. Ikuboneka ukuya nnyambala unnunu, gwamaka, nkafu, kangi umwene lumo yo, une—une—une ngamanya. Loli umwene imile pala. Lilino, une mbagile ukubika a maboko gangu pa nnyambala yula

nukummwiputula umwene, ukundalusya umwene linga umwene abagile ukwitika. Umwene abagile ukwima apa nukumbula une, nukuyoba, “Une—une—une ngulonda ugwe ukummwiputula u *Gwakuti-na-gwakuti*. Kangi une ndi na—une ndi na malundi amagwano. Une ndi nu untu umbábe, kingikingi. Une ndi ni filonda fya munda,” pamo ikindukimo. Umwene—umwene, une ngamanya. Umwene abagile ukuyoba fimo mwa ifindu ifyo.

¹⁷⁰ Une mbagile ukuyoba, “Umma ndaga, nkulumba, nkundwe. Une ngubikaga a maboko gangu pa ugwe nukukwiputula ugwe.” Ikyo kikuyaga nu bupelelesye kinunu mosa. Ikyo kyo katikati uswe tubobile ukukinda mu ngulilo syosa. Ngumba uko kotalusya?

¹⁷¹ Loli, kumbukilaga, Yeso áyobile ikyene kisakuyaga kikindane itolo pa kabalilo ka Kwisa Kwake, mumo ikyene kyayilile mmasiku ga Sodomu. Kangi u Nnyambala uyu álisile, ábikile i nyuma Yake ku kitembe kuko Sarah áli, kangu Umwene alinkuti, (komma “Abram,” lilino) “Abraham.”

¹⁷² Muketile, umwene áli Abram, ilisiku lyamayolo. Loli umwene ályagenie ni mboniboni, kangi u Ntwa alimbulila umwene ukuti, “Une nguyapakusanusya i ngamu yako.”

¹⁷³ Kangi apa alipo u Ntwa, Mwene, mbubumbigwe bwa nnyambala, ikulye nukunwa na yu mwene. Alinkuti, “Abraham, ali kugu unkasigo, Sarah?” S-a-r—r-a-h; komma S-a-r-r-a.

Umwene alinkuti, “Umwene ali nkihema kunyuma Kwako.”

¹⁷⁴ Alinkuti, “Une gwise ukukuyatila ugwe, ukufwana ni lufingo Lwangu ifyinja malongo mabili na fihano ifi fikindilepo.”

¹⁷⁵ Kangi Sarah mu luko lumo alinkuseka ku mwene. Umwene alinkuti, “Sarah asekile nkihema itolo akabalilo kala, ikuyoba, ‘Ngimba ifindu ifi fikuyaga bulebule?’” Uh-huh. “Kilipo kilikyosa iki kikafu kwa Kyala?” Muketile? Nakimo. Umma, nkulumba.

¹⁷⁶ Lilino Umwene aayobile, Yeso afigile ukuti, “Umwene, u Mwanundumiana gwa mundu,” uyu yo Lisyu, (ngimba umwe mukwitika ikyo?) “ikwisaga mmasiku ga bumalikisyo kangi isakwisetulaga Mwene nkabalilo kako i kisu kyáli bo Sodomu na Gomora.” Ugwe kwitika ikyo kyo kotalusya?

¹⁷⁷ Bo uswe tukáli ukuya nu lwiputo lumolwene, mwe bamo ba umwe panja apo iputa kangi keta linga u Mwanundumiana gwa mundu akáli yulayula mmayolo, umwisyugu, na bwilanabwila. Itolo lalusya linga Umwene yo yuyo, yoba, “Ntwa, umundu uyu akampanya une, loli Une mmenye ukuti Ugwe gwe yulayula mmayolo, umwisyugu, kangi bwila,” muketile linga Umwene ikukumbula ugwe ikyo.

Ena, nkulumba. Lilino fyusya untu gwako itolo pakabalilo kanandi.

178 Akene kali ku nyuma yangu. Akene ko kánike. Akene kikupya nu bulungule-bwambili. Akene ko kalindwana kanini. Ugwe ufumila panja pa káya. U mwanike uyu ikutamigwa munda. Akene kábinaga. Itolo itika.

179 Lilino, ngimba ikyo kyo iki Umwene áyobile Umwene ikubombaga? Une ngambonamo siku u mundu yula mbumi bwangu. Kyala ku Mwanya amenye ikyo.

180 U nnyambala apa, ikuboneka gwamaka fiyo kangi nkafu. Loli kéta unsyungulu pamwanya pa mwene pala? Ikyo kikusanusya, pene pápo Kyala ikuntula umwene, umwene atikuyaga apa akabalilo katali'mma. Umwene ali na kansa. Ikyene kili mmapapo gako.

Lilino, u Mwanundumiana gwa mundu ali apa.

Umwene ali nu busito pa ndumbula yake panongwa ya ndumiana unnini, u mwanike unnini. Ngimba uko kutalusya? Ugwe kwitika Kyala abagile ukumbula une iki kitamisye nu mwanike? [Nkundwe ikuyoba, “Une mmenye Umwene abagile.”—Nsimbi.] Umwene abagile. Umwene ali ukusilika kwa kusima kunini ukuya luko lwa kusilika-silika. Umwene ali nako kumo itolo lululu. [“Ulubunju ulu.”] Uko ko kutalusya, ulubunju ulu. Kangi ugwe kwitika kuyaga nu bumi ukuti unswile undumiana yula, kangi umwene ukuyaga kanunu itolo?

181 Ali kugu u Charlie Cox? Ngimba umwene ali poki? Charlie, ngimga ugwe uli kugu? Une ninogonaga umwene ali apa ikilo iki. Ukukilania apa, Charlie. Gary, uli kugu? Larry, ngimba ali apa? Umwana gwake undumiana ali ni kindu kikiki, katikati ikundu kilakila. Ngimba ugwe uli kugu, Larry? Ugweisa kuno i miniti yimo. Ena, ugwe uli apa. Undumiana unnini uyu apa áli ni kindu bo kilakila. U gwisá nu nna binangu banunu fiyo ba une. Ifyinja ifi fikindilepo une nali pási pala, kangi undumiana unnini uyu egaga ukugwa, itolo ukusima nu kusimilila. Ikyene kyalí mbungo ya kusilika. Une nakikolile ikyene pa ndumiana unnini, ukunsuma Kyala ukumbubulunya umwene. Umwene akayamo nako kamo ukufuma pala. Uyo yo tata gwake; mama gwake itugesye apa; kangi apa alipo undumiana unnini, mwene.

182 Lilino ngimba ugwe kwitika, nkulumba? (Ndaga ugwe, Larry.) Ngimba ugwe kwitika, nkulumba? U Kyala Gwakumwanya ali paga ikindu kilakila kwa ugwe, kangi ugwe ukuya nu bumi ukunswila umwanike yula. Kyala akusaye ugwe.

Unko uswe twipute.

183 Gwempala Kyala, ntula umwene. Une ngwiputa ukuti i kisa Kyako ni lipyana fisakuyaga pa mwene nu kunsaya umwene. Mu Ngamu ya Yeso.

184 Gomokelaga ku Louisiana lilino, nhobofu, ntufye Kyala panongwa ya umwene.

¹⁸⁵ O, ena, umwene áli gwakufumila ku Louisiana, naloli umwene áli, ukusyungutila kwa Sumbi Charles. Kotalusya. Muketile, une mbagile ukukola aminogono gako lilino. U lutufyo luyeye kwa Kyala!

¹⁸⁶ Ena, ugwe kusuma i—i kindu ikinunu, ugwe kulonda u mwána. Ugwe gwalipo nabo a bana, babili ba bána, loli ugwe kulonda uyungi. U Kyala Gwakumwanya ali paga akene kwa ugwe, kalumbu gwangu. Isaga apa, une ngulonda itolo ukubika amaboko.

¹⁸⁷ Gwempala Kyala, mpapo u nkikulu uyu ikinyonywo kya ndumbula yake, panongwa iyene yo nongwa yakufwana. Mu Ngamu ya Yeso. Amení.

Lilino bukaga ukayege nu mwanike.

¹⁸⁸ Kyala kyo Kyala nnunu. Ngimba umwe mukwitika ikyo? Umwene amenye fyosa ifi uswe tukulondigwa. Umwene ikupa ifyakulondigwa fyitu fyosa linga uswe tukwitika ikyene. Umwene átile, “Linga ugwe ubagisenie ukwitika!”

¹⁸⁹ Une nakuponiele pa kiboko ku buyo bumo. Une ndikukumbukila kugu ukwene kwáli, loli ku buyo bumo une nakuponiele pa kiboko. Une ndikukumbukila itolo katikati, loli uswe twáli itolo ku buyo bumo, mwisyugu ku buyo bumo, loli une ngamanya ukuti ko kugu ukwene kwáli. Loli uko ko kukaya kugu, iki uswe tuli apa ukuyobapo isya ikyene. Ugwe uli apa ukuyoba isya, pamo ukwiputa, kulonda une niputile umundu yumo uyungi. Uko ko kotalusya. Umwene akaya apa'mma. Umwene ali mu Georgia, mbine. Umwene akaya mbine itolo'mma, loli mwambepo umwe mbine; untáni gwako. Ugwe kwitika Kyala isakupakikisyaga iki panongwa yakuti ugwe gummwimile umwene? Ugwe kwitika? Ugweisa apa kangu unko uswe twipute palikimo.

¹⁹⁰ Gwempala Kyala, mpaga u nnyambala uyu ikinyonywo kya ndumbula yake, ukuti umwene abagile ukubuka nukummwaga u nnyambala uyu ikukútila kwa Kyala. Mu Ngamu ya Yeso une ngusuma ikyene. Amení.

Kyala akusaye ugwe. Komma ukwilamwa. Itika ni ndumbula yako yosa.

¹⁹¹ Mubombile umwe ndaga? Ikyene kikaya ukuti une ngálonidaga ukufikila ikiboko kyako ukuponia ikiboko kyangi akabalilo kala, akabalilo kako ugwe gwasosisye ikiboko kyako panja, une naketesesyaga ikindu kimo. Ikyene gwáli nsyungulu, ugwangisi fiyo kangí ntitu. Iyo yo nongwa. Une námenye une nákolile ikiboko kyako, une angali ngyagile ikyene injila yila, muketile. Loli ikyene yo kansa. Ugwe kwitika ukuti Kyala abagile ukukisamisya ikyene? Ikyene kili pa libele lyako, ulubafu lwa kukimama. Ugwe kulonda ukugomokela ku Carolina nukuntufya u Ntwa pa kuya kanunu, bule ugwe? Muketile iki une ngusanusya? Unko uswe twipute.

¹⁹² Gwempala Kyala, mu Ngamu ya Yeso Kristi, Uyu Yo alipo lilino; abanike bikulya u Nkati gwa Kyala, u mwanike uyu ali kyelaga u lwitiko, u Nkati gwa Kyala ugu Umwene ikupa umwene lilino ku bubumbulusyo bwake. Alibukaga umwene nukuya kanunu, mu Ngamu ya Yeso. Amen.

Kyala akusaye ugwe, nkundwe. Itikaga ni ndumbula yako yosa.

Mubombile ugwe?

¹⁹³ Ngimba aka kabalilo kakwikyela? Itolo kikuboneka ukuya lutende lukwisa pa bandu. Pamo, ikyene kibagile ukupilikigwa ukuya, imbulukutu syangu, itolo kikufwana ikindikimo kikubuka, “Whuuw!” Itolo kikupela akogo, bo, “Whuuw,” bo ulo, muketile. Ugwene go Nkati gwa bana. Muketile? Ugwene go gwinu. Ugwene gwa kwa umwe. Ugwene gukaya gwa kwa une; Ugwene gwa kwa umwe. Une ngupalisya fiyo, pakabalilo kakaka aka lilino, une ndiku. . . Une ndi kanunu, mumo une mmanyile; loli Ugwene go Nkati kwa une, akabalilo kako une ngulondigwa. Ugwe go Nkati gwa kwa umwe. Ugwene go lukasyo. Kwa umwe mwe mukaya babine nukuya babine, ikyene itolo kikutwala indumbula syitu pankyene pa Kyala.

¹⁹⁴ Iki kyo katikati mbukye, iki Umwene áyobile Umwene ikubombaga, “Kangi mumo ukwene kwáyilile mmasiku ga Sodomu, mo mumo sisakuyilaga mbwisile bwa Mwanundumiana gwa mundu, akabalilo kako u Mwanundumiana gwa mundu isakusetuligwaga.” Muketile? “Kangi, kéta, Une ngutuma kwa umwene Eliya u nsololi bo ili siku ilikulumba kangu ilisisya ilya Ntwa likafika. Umwene isakugomokesyaga indumbula isya bandu kwa Tata.” Muketile? Muketile?

¹⁹⁵ “Kangi polelo abagolofu bisakwenda panja pamwanya pa—pa babibi, malito.” Abene bikupyaga bo yi ng’ango, muketile, ikisu kisakupya. Uswe tukukéta ikyene kisakugwilaga nkati mula. Kangu ukutéka kwa kisu kwisa kubalanilaga pa kisu kya pasi, kangu mmwanya mwisakuyaga pa moto.

O Lyalabwe lya Ngulilo, yaga ni kisa pa une lilino.

¹⁹⁶ Ubombile ugwe? Ena, ikindu kimokyene, ugwe uli nu lutamio lwa nkikulu, u lutamio lwa bukikulu. Ulinafyo ifindu ifingi. Ugwe gwe gwalutende, itolo pa bukusi bula ubwakuya gwalutende. Indamio isya luko lwingi. Loli ugwe uli ni kinyonywo, kangu, uko ko kwambilila u Mbepo Mwikemo. Uko ko kutalusya. Ikyo kyo iki ikyene kili. Ngimba ugwe kwitika. . . Ugwe ulátile imbibi syako? Ugwe kwitika linga une ngubika amaboko pa ugwe kangu ngukusuma Kyala ukuti abombe ikyene, u Mbepo Mwikemo ikwisaga? [Kalumbu ikuyoba, “Ena.”—Nsimbi.] Ugwe kwitika ikyo? [“Ena, nkulumba.”] Unko uswe twipute.

¹⁹⁷ Gwempala Kyala, une ngwala a maboko gangu pa nkikulu uyu, mu bubumbigwa bwa bafundigwa, kangu ngusuma ukuti

umwene ambililege u losyo lwa Mbepo Mwikemo. Mu Ngamu ya Yeso Kristi, umwene ali ambililaga Ikyene. Amenii.

¹⁹⁸ Komma ikwilamwa ikyene. Ikyene kyako kya ugwe, muketile. Ikyene kyo kyako. Ikyene kyo u—u Nkati gwa bána.

¹⁹⁹ Gwali nu bwipilike ubunyegele bo une njobile, “ulutamio lwa bukikulu,” bule ugwe? Nongwa yakuti ikyo kyo iki ugwe gwali nakyo, nugwe. Lilino, ugwe kwitika ugwe kuyaga kanunu mosa lululu ulu? Bukaga, itolo ukumpalisya u Ntwa.

²⁰⁰ Mubombile ngaga ugwe? Ngimba ugwe kwitika ni ndumbula yako yosa? Ugwe kwitika ugwe kuyaga pakubagile ukulya mumo ugwe gwabombelaga akabalilo katali aka kakindilepo? Umma ndaga. Bukaga, nu kuyoba, “Ndaga Ugwe, Ntwa. Une ngwitika ikyene.” U Kuyapo kwa Ntwa.

²⁰¹ Ugwe kwitika ulutamio lwa nyuma lula lukukulekaga ugwe kangi ugwe kuyaga kanunu? Umma ndaga. Bukaga, ikuyoba, “Ndaga Ugwe, gwempala Kyala,” kangi Kyala ikupaga ikyene.

²⁰² Ugwe kwitika ugwe kuyaga kanunu, u Ntwa isakukutendekaga ugwe ukuya kanunu, kangi utisakuyaga ni mbungo ya fifupa, kuyaga kanunu kangi nkafu? Ugwe kwitika ikyo? Buka, ndaga Umwene, yobaga, “Ntwa, une ngwitikisya ikyene ni ndumbula yangu yosa, kangi une ngwitika ikyene.”

Ngimba fiki umwe panja apo mukwitika isya Ikyene?

²⁰³ Ugwe papapa apa, bika ikiboko kyako pa nkikulu yula itugesye papapo kifuki na ugwe apo, mbula umwene indepa sya varikosi ni mbungo ya fifupa fisakundekaga umwene. Akabalilo kako umwene. . . ? . . .

²⁰⁴ Kyala akusaye ugwe. Ugwe kwitika kuyaga kanunu lilino? Bukaga ku káya nu kuya. Kyala akusaye ugwe. Bukaga pa nsebwe gwako, nu kuyoba, “Ndaga Ugwe, Ntwa Yeso.”

²⁰⁵ Ngimba ugwe kubombaga bulebule? Ugwe kwitika u lutamio lwa bukikulu bwisakukulekaga ugwe, nugwe, kangi ugwe kuyaga kanunu? Bukaga, kangi kayobege, “Ndaga Ugwe, Yeso.”

²⁰⁶ Mubombile ugwe? [U kalumba ikuyoba, “Mfifundo mu bukwabigwe.”—Nsimbi.] Fiki, mwe, mwe! [“Totten.”] Une njimanye ingamu yako. Une—une nalisibile uku. . . [“Totten.”] akabilo kako une natimaga i kipanga kya Baptisti. [“Totten.”] Totten. [“Della Totten.”] Kalumbu Della Totten. Ugwe kukubilwa nu lutamio lwa nyuma lilino. [“Ena.”] Ikyene kikuyaga kanunu kyosa, lilino. Ugwe kwitika Umwene isakupelaga ugwe uyege kanunu? Ugwe kukumbukila iki kyábonike pasi pala mu kipanga kya Milltown Baptisti ifyinja fingi ifi fikindilepo? [“Ena, une ngukumbukila!”] Umwene akáli yo Kyala yulayula umwisyugu. Kyala akusaye ugwe, kalumbu gwangu.

George Wright, ngimba ugwe uli kugu? Ngimba ugwe kukumbukila? Mwe, mumo. . .

Ugwe kwitika, linga une ngubikaga itolo amaboko gangu pa ugwe, nu bupakigwe ubu, ugwe kwitika ugwe kuyaga kanunu? Gweisa kuno. Mu Ngamu ya Yeso Kristi ali bumbulusigwaga umwene. Amen. Yaga nu lwitiko!

Ena, ngimba umwe mukwitika ni ndumbula yinu yosa?

207 Lilino, nu bununu buki mumo ikyo kikutwalila ifikumbusyo ifyaiyolo, ukuketa unkikulu yula! Une ngabagile ukwinogona isya ngamu yake, tasi, loli une. . . [Yumo ikuyoba, “Totten.”—Nsimbi.] Totten. Totten, uko ko kutalusya. O, ena, u mwanundindwana gwake áli Bertie. Uko ko kutalusya. Uko ko katikati kutalusya. Komma ukwinogona une ngilenie ukuya nimwene, une ndi mu luko lumo panandi, umwe mumenye, ikyene nduko lumo. . . Une ngabagile ukukilingania ikyene.

208 Loli ulutamio lwako ulwa nyuma lukindile, nkikulu. Bukaga, ntufya Kyala, nu kuyoba, “Ndaga Ugwe, Ntwa.”

209 Ugwe kwitika u lutamio lwako ulwa ndumbula lwisa kuyaga kanunu mosa, nugwe? Itolo bukaga, sekelelaga, kangu yobaga, “Ndaga Ugwe, Ntwa Yeso,” kangu itikaga Ikyene. Umma ndaga. Yaga nu lwitiko lilino. Komma ukwilamwa.

210 Isaga, nkikulu. Ngimba ugwe kwitika ni ndumbula yako yosa? Ugwe ulinafyo ifindu fingi fisobi na ugwe. Ugwe uli nu lutamio lwa nyuma, nugwe. Ugwe kwitika ukuti Kyala isakukupelaga ugwe ukuya kanunu? Umma ndaga, itolo bukaga, sekelelaga. Ikyo, ikyo kyo Umwene ikukupela ugwe ukwipilika injila iyo. Mpalisya u Ntwa. Kyala akusaye ugwe, kalumbu.

211 Nda, mwanangu. Ugwe kwitika ukuti Kyala ikukubumbulusyaga ugwe ulutende ubwa mwanike yula kangu nukulupela ulwene ukuya kanunu? Ugwe kwitika ikyene? Umma ndaga. Nda, mwinangu, unko une nguponja pa kiboko kyako.

212 Gwempala Kyala, ega ikyindu ikibibi kila ukusókamo mu ndumiana unnini uyu, kangu umwene aliyaga nu bumi nukuya kanunu. Mu Ngamu ya Yeso. Amen.

213 Kyala akusaye ugwe, nkundwe. Ugwe kwitika kila, bule ugwe? Ugwe kuyaga kanunu mosa. Komma ukwilamwa napanandi.

214 Nnini fiyo ukuya nu lutamio lwa ndumbula. Ugwe kwitika ukuti Kyala isakukutendekaga ugwe ukuya kanunu? Bukaga, yobaga, “Ndaga Ugwe, Ntwa, pakumbumbulisya une.”

215 Ugwe kwitika Kyala isakukubumbulusya u lutamio lwa munda nukukutendekaga ugwe ukuya kanunu? Bukaga nukukindilila, sekelelaga, nu kuyoba, “Ndaga Ugwe, Ntwa.”

216 Umwene akáli Kyala, ngimba Umwene akaya yo Yuyo? Ikindu kyene iki ugwe kufimbilisigwa ukubomba itolo ko itolo ukwitika. Ngimba ikyo kitalusye? Ngimba umwe mukwitika u Mwanundumiana gwa mundu mmasiku gabumalikisyo?

217 Kyálipo ikindu kimo iki kyabonike apa ama miniti manandi aga gakindilepo, kangí une ngabagíla...ukugela ukwaga kuko ikylene kyaliko. Umundu yumo áli nu lwitiko nu kubomba ikindukimo. Pamo, lumo une ngubagaga abene u Ndungu unkonge, pamo akabalilo kako une mbagíle. Ngimba ugwe—ugwe uli...Kila kilipo pala kangí. Ugwe gwinwisye ikiboko kyake mmwanya. Ngimba ugwe kwitika Kyala abagíle ukubumbulusya u lutamio lwa ndumbula, ukutendeka ugwe uyege kanunu, ukubumbulusya u mwanundindwana gwako panja pala ni—ni...Ugwe kwitika ikylene? Nka. Neff, ugwe kwitika ukuti Kyala...Leo Neff. Une ngakumanya ugwe, loli ikyo kyo ugwe gwe ywani. Ugwe uli nu lutamio lwa ndumbula, kangí u mwanundindwana gwako ali nu lutamio lwa figo. Ugwe kwitika umwene ikuyaga kanunu? Ulwitiko lwako lukukupela ugwe ukuya kanunu. Itikaga ni ndumbula yako yosa.

218 Ugwe uli kunyuma uko kwa kitubwi kya losyo, gwimile ku nyuma uko nu lutamio lwa munda, Yeso Kristi ukupela ugwe ukuya kanunu.

219 Umwe mukwitika? Umwene yo yuyo mmayolo, umusyugu, na bwilanabwila. Bika amaboko ginu yumo pa nnine lilino. O, inogona isya sala kuko tuliko, inogona isya kabalilo. Inogona ukuti uswe tuli mu Kuyapo kulakula kwa Yeso Kristi, u Mwanundumiana gwa Kyala. Umwene áfingile Umwene ikubombaga iki mmasiku ga bumalikisyo. Une ndi na maboko gangu pa fiyambala ifi.

220 Gwempala Kyala, une ngusuma ukuti Ugwe kusayaga ifitambala ifi ku bubumbulusyo bwa mibili gya bandu, ukwisila mwa Ngamu ya Yeso Kristi.

221 Lilino, na maboko ginu yumo pa nnine, aligwesa gwa umwe mwe mbakasya sya Mbili gwa Kristi. U Mbepo Mwikemo yulayula uyu áfingile uku setula ifyakubutitu ifya ndumbula kangí ukubomba ifindu ifi, Umwene ali mwa umwe. Umwe muli kiyabo kya Umwene, kangí Umwene yo kiyabo kya umwe. Lilino, Umwene áyobile iki, “Ifimanyilo ifi fisakukongaga abene aba bikwitika.” Ikyo kyo ugwe. “Linga abene bikubika amaboko gabo pa babine, abene bisakubumulukaga.” Lilino, komma ikwiyiputíla gwimwene'mma, upítílagá yuyo ugwe ulu nagwe amaboko gako pa mwene, 'nongwa yakuti abene bikukwiputíla ugwe. Lilino unko uswe twipute palikimo, kangí apene palingaya u mundu umonywa mu nyumba iyi. Panongwa ya fiki uswe tubagile ukugúlíla ukongelelapo, gwampala nkundu, kalumbu gwangu, apa Ikyene kili, u Mbepo Mwikemo, Kyala, papapa apa, i Kindu kikyo uswe tuyobilepo isya ikylene.

222 Gwempala Yeso, uswe tukubwagania Ubuyepo Bwako. Ugwe gwátwele u mwanike unnini yula ukugomokela ku bumi ili siku limo, ukufuma akene káli kafwano, ukwisila mu lwiputo lwa lwitiko. Gwempala Kyala, balipo bingi apa uswe tutoligwe

ukubafikila, akabalilo kakukinda, loli abene bali na maboko gabo yumo pa nnine. Abene bitiki. Uswe twálitugesye mu Kuyapo kwa Ntwa Yeso Kristi, asyukile ukufuma ku bafwe, yulayula mmayolo, umwisyugu, na bwila.

²²³ Sétano, ugwe uponjologwe! Yeso Kristi akuponjwile ugwe! Umwene ásyukile ukufuma ku bafwe kangi imile pakati pitu ikilo iki, ikusisimikisya i Ndumi iyi iya mmasiku ga bumalikisyo. Sokaga panja pa bandu aba! Mu Ngamu ya Yeso Kristi! “Mu Ngamu Yangu abene bisakubopesyaga panja imisyétano,” kangi ugwe ukagigwa panja. Mu Ngamu ya Yeso Kristi, sokamo mu kilundilo iki!

²²⁴ Aligwesa gwa umwe lilino aba bikwitikisya ububumbulusyo bwinu, ima pa malundi ginu. Aligwesa uyu ikwitikisya ububumbulusyo, ima pa malundi ginu. Fyusya ifiboko fyinu lilino nu kumpa Umwene ulutufyo!

“Une lilino ngwitikisya ububumbulusyo bwangu,” yoba ikyo kwa Kyala. “Une lilino ngwitika ububumbulusyo bwangu. Ugwe gwe yulayula mmayolo, umwisyugu, na bwilanabwila, Kristi. Une lilino ngwitika mwa Ugwe, ndula Ugwe ukusitakwitika kwangu. Ameni.”

Une nguntufyaga Umwene, Une nguntufyaga
Umwene,
Ntufye Kang’osi nongwa ya bonangi abutigwe;
Mpe Umwene ulwimiko, mwe bandu mwesa,
Kabuno i Lilopa Lyake lisukile ikibabye
kilikyosa.

²²⁵ Ngimba umwe mumuganile Umwene? [Ikilundilo kikuyoba, “Ameni.”—Nsimbi.] Unko uswe tumpale Umwene polelo. Aligwesa, na maboko ginu mmwanya, mpe Umwe ulupalo, akabalilo kako u nkundwe ikwisa kuno ukutulundusya uswe. 🐦

IKYĀKŪLYA KYĀMWAMBĒPO NKABALILO KĀKE KYA65-0718E
(Spiritual Food In Due Season)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Ndungu kunamayolo, Julai 18, 1965, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org